

西事江略

一
八
函
冊

西事彙略卷六

迤西陸防各軍總司令部編輯

政務上

建置

軍都督府鑒榆機關部遵於十月廿六日裁撤總理由雲龍暨參事范宗瑩等親交到木質關防一顆摺一扣冊三本案卷五十八宗由藩點收源到後會飭將衛兵二百五十名妥爲遣散所有該部截留鹽款即於裁撤日截止除用外餘存壹萬有零並同槍械照原領數目飭交餉械分局點收報部查核用款飭自行核實造冊報銷交到木關防卽行銷毀合肅電陳藩根源叩東印

爲通飭遵照事照得大理迤西機關部實因反正之際人心驚惶由各紳等稟請暫設借資維繫今大局既定人心已安若長此因循不改實於行政司法權限多有侵越紛歧昨奉軍都督府電飭裁撤業已轉飭遵照辦理在案至各府廳州縣所設分部其初亦本爲維持地方起見惟士紳之中賢愚不一竟有假該部名義殺人歛財如永北之

劣紳黎元和者實不足以維持秩序而反足以害治安自應將各屬所設分部概行裁撤以歸劃一並將該部以前所頒文告一律取銷除電飭遵照外合行札飭爲此仰該

府廳州縣

即便遵照並轉飭所屬官紳一體遵照自宣告裁撤之後如有無賴匪徒借名義以

侵治權假文告以淆觀聽一經覺察或被告發定行分別重懲不貸地方官扶同隱匿或通同一氣舞弊營私尤當加等治罪本總司令言出法隨慎勿視爲具文也凜之愼之切切特札右札迤西各府廳州縣官

省城軍都督府鈞鑒永北廳屬地面寥闊川滇接壤匪徒時有滋擾現值大局粗定川匪土匪尤易竄發非有大員坐鎮不足以資鎮懾而保治安擬請將鶴麗鎮暫移該處鎮廳相輔爲理必能漸臻安謐根源行將計畫援川永北爲必經之道鎮移該處亦可藉爲後援藩根源彥會商意見相同是否可行乞飭核議示復遵辦藩根源彥叩江印大理李師長趙樾老丁碩翁鑒江電悉鶴麗鎮移駐永北藉資坐鎮而保治安蓋籌甚

善卽可定計由碩翁前往佈置惟取道永北援川一層尙須計議聞甯遠一路道路艱險軍資缺乏不利大軍行進宜先派員前往偵察再定區處鐫歌印

省城軍都督府鈞鑒委署永平縣李令治現已到任視事查該屬曲碕地方地當衝要爲榆永往來孔道源本日駐此審察情形擬飭該令暫駐曲碕俾因應一切得以迅赴事機合肅稟聞師長根源叩養印

省城軍都督府鈞鑒查永平縣署原駐老街前源與趙巡按到永該縣全體士紳以曲碕爲往來必由孔道反正之後回漢互生疑忌匪徒出沒無常若縣署仍設老街僻處一隅照料實有難周請將縣署移駐曲碕當經根源電陳准在案源昨旋抵該縣復詳細體察情形曲碕地方最爲扼要縣治改建於此化除頑梗撫字人民均爲適當惟移署必須移監修理非欸莫辦永平素稱貧瘠又經此次匪禍民生益敝財政益絀若就地設法籌措實屬無計掘羅查該縣牲稅年約收獲錢壹仟貳叁百串易銀陸柒百金擬將此欸停解一年卽以爲修理縣署及監獄之費李令辦事結實卽責令該令經修

監獄必期堅固不碍衛生縣署足敷辦公不求廓大一年稅入必能敷用設有不敷再由李令設法籌補公家既不大損民間可免重累誠爲兩便鈞府軫念民瘼必蒙俯如所請倘邀兪允卽乞飭部知照伏候示遵師長根源謹叩東印

永平李令鄭中隊長覽冬電悉傅守銘素行種種不法早經訪聞此次在永在騰所接訴呈不下十餘張尤屬罪無可宥茲據該令等會電稟請從寬懲辦姑准如所請貸其一死繳銀一仟兩贖罪此項銀兩卽作爲修理該縣監厥欸項此復總司令部冬印

省城軍都督府鈞鑒騰越一缺地處極邊內政外交均關重要昨以到榆代表稱前委唐璆不能勝任當肅元電稟陳並擬請升廳爲府籌辦一切隨奉篠電開騰越唐丞希卽詳加考察如不勝任遺缺就近遴委至擬改該廳爲府并添設州縣極佩卓見統望於到騰後察核擬議妥速籌辦詳細示知等因源藩到騰後詳加攷察唐璆實屬難勝繁劇且力辭面懇回省查前駐蠻允交涉委員趙開堦才具尙可謹遵前次酌委騰龍兩廳電諭委令署理并升廳爲府復舊名爲騰衝府騰越改爲縣名照案由府兼攝以

崇體制將來籌辦改流添設縣治庶可以資統率而專責成藩他日出巡所有關務外交亦便與駐騰英領直接辦理公費仍照原定騰越廳數目支給不必再加除頒印給委并將籌辦情形隨時稟陳外合肅電稟乞賜查核飭部備案再此案本應先行請示俟覆到遵辦因前曾奉安速籌辦之電觀察事機亦刻不容緩故會商便宜先行更名委趙署理卽飭本日視事至道廳兩署案卷均被干崖刀土司安仁乘機盜燬合併陳明根源藩謹叩江印

一件據漾濞永蒙兩屬士紳施士英等稟爲呈明事勢懇恩曲全以期政理民安事由

稟及條陳均悉漾濞爲永蒙浪穹雲龍四屬交界插花地生齒繁衍山川險要改設縣治以便治理自屬可行惟事關改建造端宏大頭緒紛繁凡區域之劃分村寨之支配經費之籌備無不當先事攷求該士民等生長其間留心政治必早有灼見真知務望詳加商確繪圖貼說並擬辦事部分手續章程再由本總司令會同趙巡按使轉飭各

該廳州縣詳加核議分別辦理庶可有利無弊長治久安核閱各條第一條裁併劃分自係第一要義第二條暫委知縣一員駐紮辦事亦尙可行第三條請發給快槍百枝以備緝捕應候派員後酌奪第四五條提撥營田堡租充作教育自治經費應候設官定後由官紳商酌稟承辦理第六七兩條收糧收稅現已定議由紳監官收儘征儘解該處未設縣以前仍由各該廳州縣派人征收所擬舉紳代征代解與通案不符應毋庸議仰即知照此批

一件據蒙化廳蒙三約士民楊仁修等呈爲地面插花有礙治理懇請併歸彌渡縣以從民便事由

呈悉三約地方隔蒙遠而距彌近將來改設縣治將此地劃入衡情論勢似屬可行仰候發交蒙化廳會同趙州雲南縣核議具復再行酌奪可也仰即知照此諭

省城軍都督府鈞鑒查彌渡通判缺專管緝捕而地方與趙州蒙化雲南縣三處接壤華離交錯界線不分錢糧互有隱匿詞訟互相歧控事煩責重新政紛紜斷非一通判

分防所克勝任前該處紳商稟准改設縣治實爲握要以圖擬請設縣試辦飭卽督紳會同趙蒙雲官紳將各插花地段劃分疆界分撥錢糧繪圖貼說稟候飭軍政部分飭各司核議規定實行又漾濞地居要衝隸於蒙化又與永平浪穹雲龍四處插花且距廳縣城四五站不等官民隔閡呼應不靈現經騰永兵亂後撫綏安輯尤貴得人巡檢微員難資鎮攝擬請亦改設知縣於四屬插花地面支配劃分仍會同四屬官紳公同辦理稟候分飭妥議核定飭遵茲彌渡一缺查有前署雲龍州黎民蒸堪以委令試辦漾濞俟奉電復後再遴員請委惟查大理府屬已有七州縣彌渡漾濞擬請均隸蒙化便於聯絡以資治理是否有當伏乞示遵師長根源巡按使藩叩魚印

李師長趙巡按使鑒魚電悉彌渡漾濞兩缺擬請改設縣治自係爲劃分疆域便於治理起見惟該兩處距省較遠其地段如何交錯情形如何不便實難懸揣未便遽行規定應候行司轉飭繪圖附說呈候核奪後再行會商妥議分劃彌漾均隸蒙化管轄於程途交通是否適中希卽一併詳覆爲盼軍都督府眞印

省城軍都督府鈞鑒真電悉彌渡距蒙化一日程漾濞距蒙化二日程彌爲蒙屬插花地漾本蒙屬分防程途交通均尙適中彌議改縣已歷三載舊曾飭大理府踏議擬繪圖貼說省署想有案可稽漾濞爲榆永門戶地險而衝源本有改縣之議蒙永兩屬士紳亦兩次聯名呈請當批飭該紳等將分劃支配籌備各事宜會商妥議分別條陳俟到卽發由各該廳州縣官紳併同覆核辦理再行詳覆根源藩叩元印

省城軍都督府鈞鑒查彌渡漾濞壤地華離不便治理議請劃併改設縣治去冬曾經電呈奉復並飭該兩屬官紳將分劃支配籌備各事宜籌議條復在案茲由騰返榆蒙雲趙各屬紳民重申前請並據分別繪具圖說前來詳加披閱改建之議有不容於或緩者當派令林永志恂張倬文運楊牧贊東朱牧廷銓路令承熙李令治等會同各屬紳民將各插花地段接壤界址詳晰履勘呈覆源復加審核於地理上天然之界限及行政上施行之便利參伍鈎稽詳爲釐訂彌渡爲趙州屬九里地方距州城已百里由彌渡直出盡其境尙有百餘里原設通判名司督捕實則備員命盜訴訟必赴趙州征

收錢糧必另派書設櫃官民交困措治已難蒙雲兩屬之地錯出其間舛午糾紛不可究詰奸狡之民因而弊混大非行政所宜今設專官將插花地土歸併爲一官治民生皆蒙其利縣治即設通判駐所名彌渡縣設知縣一員省原設通判以其公費爲知縣公費惟大理府屬凡七州縣轄境已廣彌渡去蒙化僅一日程交通便而考核易擬請改隸蒙化直隸廳以劑其宜趙州屬境既劃彌渡區域稍小查與趙州近接之賓川屬海東海南兩旗均在趙州東北五十里以內距賓川則百有餘里卽以劃歸趙州亦稱近便賓川地面本寬劃後無嫌狹小雲南縣屬境插在彌渡境內者應歸彌渡外又賓屬之蛟起謝家二營及雲屬之感香化里二村皆於彌渡邊界爲近其外復有蒙三約亦以併同改歸彌渡爲便漾濞本蒙化分防地在蒙化西北二百餘里中隔趙州西界一段地當衝要任重權微無以出治由漾濞至永平縣計程三站爲迤西衝衢餉犯過境押解尤艱其地紳民請改設縣官俾一切詞訟易於赴訴籲請已屢惟境地無多擬定自漾濞江起下至合江四十里橋與趙州分界再順江直下至盤龍寺山與順寧

分界并劃永平縣屬之太平舖等以益之由勝備橋分界再由橋河溯流而上有雲龍浪穹兩屬插花地一併附入復折至漾濞江上流止東西相距百五六十里南北相距三百餘里改漾濞巡檢爲漾濞縣設知縣一員公費視簡缺知縣支給仍隸蒙化以便維制永平東界甚寬今劃出太平舖等處其由勝備橋至縣治尙有百里查永昌府分防之杉木和巡檢距永平僅七十里去永昌則百餘里中隔瀾滄江實形不便擬將杉木和改隸永平即以滄江爲界庶幾永平漾濞兩縣地土皆劑均平且各縣治地皆適中綏馭旣稱便利各以江河爲界輻輳無自而生惟改建事宜須先委員試辦庶劃勘設置責有專歸戶口錢糧亦易得實彌渡通判張倅文運人頗勤明擬卽責成籌辦改建事宜俟奉准後再行改委署理縣事漾濞縣缺擬調定遠縣彭令坤年署理所遺定遠縣缺請以本部一等書記官朱沛霖接署彌渡縣印前已由省刊發帶榆漾濞縣印擬請先由榆刊發一俟省印頒到再令繳銷至以上改建各端本應俟將圖冊送省核定再行辦理惟念紳民望治情意甚殷彌議改縣已近三年迄無定議漾濞當蹂躪之

後撫字尤亟必將圖冊送省道遠不易參稽又待派員覆勘往返尤耗時日經費虛糜猶其餘事似不若取決輿情就近辦理以慰民望而歸簡捷源於部署完竣亦得早日釋肩是否有當伏乞迅賜核示遵行師長根源叩文印

行營李師長鑒文電悉所陳各節係爲因地制宜便於治理起見計劃勻撥均極周妥應卽照准辦理惟漾濞一縣戶口恐嫌過少似應再行增益希酌核電復以便咨省議會知照所調之定遠縣彭令坤年業已因事撤省另委程煥文前往接署所有新設漾濞縣缺就近遴員請委可也都督府治印

省城軍都督府鈞鑒治電奉悉漾濞一縣綜計戶口誠苦其稀現劃區域已覺其廣昨集官紳參稽圖冊區分支配深費躊躇將增戶籍而廓版圖地廣而荒益難治理再查所劃區內如舊隸永平之上街地附治所蒙屬之平坡亦止三十里貿易尙盛戶口亦稠近來絲業日見發達儻於繁盛之區振興實業荒曠之地招集開墾設縣之始紳民望治甚殷提倡尤易爲力如尙有可以籌劃更定之處擬飭新任到後會同紳耆妥爲

勘畫籌議再行核定惟籌措一切非幹員不能勝任查有新委趙州知州杜樹才力精幹通達治體擬請調署漾濞縣以資創辦所遺趙州缺查有師司令部一等書記官朱沛霖任事實心堪以委署如蒙俞允卽由源處給委是否有當伏候示遵師長根源叩
篠印

李師長鑒篠電悉所請以杜樹調署漾濞縣事遺缺趙州以朱沛霖署理呈奉都督批准註冊給狀請卽先行飭赴任都督府政敬印

省城軍政部鑒彌渡漾濞改設縣治經始之際一切建置需款甚殷迭經分飭該兩屬官紳妥爲籌集茲查所需經費除履勘疆界調查戶口田畝糧賦及地方興辦事項統歸該地方擔任自行籌措外惟興修監獄倉廩及葺補衙署各款地方無力擔負自應由公家籌給以資興舉昨飭各該縣核實估計以憑撥發茲據彌渡縣張令來文約需銀式千兩漾濞縣杜令來文亦需銀式千餘兩核計所估數目雖尙覈實惟現在公帑支絀恐難悉數應付擬再量予核減該兩縣各發銀一千兩飭令樽節開支如果實有

不敷由地方設法彌補惟監獄倉儲等項均設縣後不能延緩之務應請飭財政司迅速核議俟覆准後即就近由蒙化下關厘金分別撥給俾得尅期興建且免兌解之煩如何之處統希示復根源叩青印

爲轉呈事案據漾濞縣紳耆田鐘農熊朝棟等呈稱竊查滿清提督丁槐生性刻薄貪鄙無恥夤緣當道官擢一品所至之處均以擄掠姦淫搯詐爲事其任騰越總兵永昌副將時婪索土司無惡不作吾滇父老猶能歷歷言之前平回亂騰越永昌永平漾濞叛產均經清總督岑毓英立案不准私買私賣賞給受傷殘廢兵勇十年後仍歸大公該丁槐朦上欺下殘廢兵勇工畝未給竟將各屬叛產霸爲私有兵民飲恨莫奈伊何所有霸據漾濞叛田叁百伍陸拾畝山產十餘處庄房壹百五十壹隔共計年收租谷貳百零八石清油貳千觔房租錢壹百伍拾千文其待遇佃戶尤屬苛虐每收租時須三過風箱尖收平賣殘毒同胞慘無天日茲值反正該弟兄坐擁厚貲即不能盡解貧囊以濟時難當此公帑奇絀民生窮蹙亦應竭力報効漾濞荷蒙改縣開辦需資民貧

地瘠籌措維難理合公呈請祈轉呈軍都督府轉飭丁鎮台將伊弟霸據漾濞叛產全數撥還地方以作設縣開辦常年各經費紳等係爲公益起見伏乞作主施行等情據此查該紳等所陳各節係爲地方起見理合備文轉呈鈞府俯賜查核咨臨時省議會核議并飭丁鎮遵照辦理此呈

省城軍都督府鈞鑒查漾濞現劃地面戶口似覺稀少前奉鈞府洽電經飭杜令到任後爰爲勘劃酌量增益在案茲據該令稟稱蒙化屬之鼠街一帶人戶繁盛距漾濞僅只百里擬請劃歸漾屬惟既添劃鼠街則合江上游對面趙州所屬山地亦應劃歸漾濞以免插花而便治理乞批示飭遵等語除令飭該廳州縣會同商酌妥爲勘劃總期於各州縣均無窒碍外謹陳並祈飭部備案根源叩支印

省城軍都督府鈞鑒前據順甯張守稟稱順甯縣屬之六塘廠狗街魯史等處距順三四百里聲息阻隔治理維艱該各處均與永平緊相連接距永城僅六七十里若劃歸永平縣管理較爲便宜等語現據永紳到榆詢稱各情與該守所陳相同並稱永平自

上街等地劃歸漾濞後地面較前甚狹若益以順屬六塘廠狗街魯史等處境治亦不慮其寥闊經師長覆查無異除電飭張守李令即行遵照協同勘劃繪具圖說詳造戶口糧稅各冊分別報查註案外合先電陳師長根源叩有印

省城軍都督府鈞鑒前具有電請以順甯縣屬黃庄里之六塘廠狗街魯史等處劃歸永平縣管理在案茲細查魯史原屬順屬之觀音里請仍舊毋庸劃撥專撥黃庄里所屬各處地方爲宜謹電陳明師長根源叩先印

一件批雲南縣自治公所呈蒙化插花地劃歸彌渡種種不便請派委勘劃文

呈圖均悉查彌渡漾濞兩處改設縣治其間插花地段接壤界址曾經迭飭各屬官紳先行分割支配復飭派蒙化彌渡賓川趙州雲縣永平各廳州縣呈覆經本師長覆加審核於地理上天然之界限及行政上施行之便利參互鉤稽詳爲釐訂是該兩處之改設縣治劃併地方皆由各屬地方官公同擬議者並非一州一邑個人之私見所爲之也來文既指爲彌蒙劣紳又加以私相聯絡夫一縣之疆域沿革何所與於彌蒙之

劣紳而彌蒙之劣紳又何所爲而私相聯絡立言若是已不可解且蒙三約原屬蒙化茲以其距蒙遠而與彌渡近故以昔日之直隸於廳者劃而歸於所屬之彌渡以收治理便利之效而仍無改於疆域之舊形使勢利不得謂爲風馬牛之不相及且彌旣設治凡劃歸管轄土地無一非別屬土地若皆出而爭之尙復成何事體况蒙三約則昔本蒙地今仍蒙屬尤與別屬不同又如所謂蒙三約與東南鄉人民閭閻相望溝洫相通一應習慣互有關係等語詎知該處前非縣屬今撥歸彌治亦非縣屬此中旣無區別是原有關係者仍有關係亦何得失之有又謂自治團體而論蒙三約與東南鄉比屋而居異日自治團體成立爲衛生教育警察公共營業彼此均受利益夫一省之內數十州縣星羅碁布彼壤地相望鷄犬相聞者在箴有地方習慣行政亦何在而無關係將必舉其有關係者而胥劃併之乃爲利益吾見其窮於術矣又謂蒙三約爲藏垢納污之藪設劃歸彌渡則東南鄉難保不受其擾害查該處從前歸之廳屬或難遙制今劃歸彌治程途僅七八十里朝發夕至自無鞭長莫及之虞又謂以道路遠近論

蒙三約距彌七八十里行政不便不宜劃歸彌渡夫滇省州邑轄境數十百里以及數百里者所在皆有豈可以七八十里遽藉口行政不便又謂劣紳一二人之私見將蒙三約強劃歸彌渡異日勢必鑿柄不入陷地方於永遠不福利夫地方人民管轄雖分區域而官治自治則一斷無歸此轄則有福利歸彼轄則無福利之理種種藉口實所不解自治員紳凡有建言應如何主持大體共謀公益乃竟藉詞競爭徒滋擾攘竊爲該紳等不取至於清理插花地則必其華離交錯爲行政之大障而各方面交稱不便者如今日彌渡漾濞之改縣是也若徒以一隅之接壤亦群議變置將不勝其紛紛矣既據具呈不能不詳晰批答尙希鑒諸仍候令蒙化雲南縣彌渡賓川趙州知照摘由

批

令案據雲南縣自治公所暨全縣紳商學界具呈縣屬境內之蒙化插花地劃歸彌渡於縣屬行政種種不便呈請派委勘劃等情到部業經明白批示在案合亟錄批抄呈令發仰該員即便知照此令雲南縣知縣路承熙蒙化直隸同知朱廷銓彌渡縣知縣

張文運賓川州知州楊贊東趙州知州朱沛霖永平縣知縣李治永昌府雲龍州
省城軍都督府鈞鑒江電敬悉雲龍州治現住寶豐地居山箐戶口稀少實有未便惟
地勢扼要昔人建治頗具深意漕澗人戶稠密商賈輻輳平原寥闊土地膏腴州署移
漕較爲適宜惟建公署修監獄及籌設一切經費約需叁千金該州公私窘困羅掘爲
難故請添設漕澗巡檢以資佐理蒙准照辦在案至於石門距寶豐僅數十里遷之無
益不遷亦無損督銷事關鹽課設置專員所以重責成而期整頓地方官行政司法萃
於一身勢難兼任反正以後該州公欵稍有損失民間未大損傷所用公欵經該州官
民造冊前來已經代爲轉懇核銷若論撫卹騰越民間所捐派約貳拾萬永昌除被亂
焚搶損失外捐派約叁肆萬順甯雲州永平龍陵各肆伍千或柒捌千不等雲龍撫卹
騰永龍順事同一律必須一體辦理方劑其平公家艱窘萬狀似難籌此巨欵以爲應
付惟膏澤下民本出鈞府殊施雲龍應否特別議卹出自逾格鴻裁羅母得係在愆地
現景紹武所率殖邊隊卽駐營於此似勿庸另行添兵至該州僻居一隅交通不便添

設電局誠爲要圖但設局必先設線能否推廣乞飭總電局妥議辦理曲硯爲永榆要道永榆線長設一分局遇有阻窒易於修理萬不能移遷別處六庫老窩土司中之馴良而狹小者也且該土司等均係漢族改爲分州源甚贊成惟該土司與保山屬之等埂魯掌卯照三土司毗連改庫窩不改等魯卯則等魯卯勢若連鷄慮切唇齒將因疑懼而啟他虞源於該五司地方前曾躬親遊歷詳加考察略知梗槩其幅員相埒習慣相同人民之性情風俗之純樸亦無以異茲擬請將該五司併改一縣名曰瀘水縣縣治卽駐老窩或駐卯照等魯卯本保山屬但各司地距永昌均窻遠而距雲龍爲較近至怒隸各地又居五司上游爲通永雲之咽喉將來開拓後張官建治就近布置亦以雲龍爲便利且雲龍距大理四百餘里土地寥闊漢夷雜處擬請升雲龍爲直隸州該州公費區域均照舊規定瀘水縣卽隸屬之該縣公費卽照漾濞彌渡例作爲三等開辦經費較之內地略爲增加約需銀式叁千金現署景東同知林春華前援川軍大隊長辛承貴二員熟悉該地情形才雖不純機智權術皆極可用如蒙允行乞由該二員

中先簡一員委署如尙有勝任之人則由省另行揀委所有改革事宜及清查戶口勘劃區域釐定糧稅處置各土司諸要務統由新任縣及永昌府雲龍州會商妥籌呈請核辦惟擬設之初必有兵力藉資鎮懾現在欸項支絀籌餉爲難擬請將永昌府衛隊四十名撥歸該縣帶領現駐雲龍天耳井之國民軍半哨移駐漕澗以爲聲援嗣後遇有必需增兵之處駐永之第十營亦可稟請調撥又查等埂雖近片馬尙隔高黎貢山土司童昏夷民不附如辦理機敏處置得宜尙無他慮惟六庫土司段浩卯照土司段承蔭略有才智前經委以怒隸委員名目以示優遇將來必善爲羈縻始足以輯其心以上所陳係爲鞏固北防起見是否可行統乞裁奪王君九齡熱心桑梓其所陳各條固爲地方謀利惟統籌全局不能不慎審以圖除六庫老窩改土一節應請銜核施行外其餘各條已轉飭該州蘇牧及自治公所妥議具復謹陳仍候示遵根源叩魚印大理李師長鑒西防交涉片馬而後又以雲龍所屬當其衝該處地瘠民愚自上年來頗有外向心理此宜早爲之所茲據王九齡陳請辦法數條一該州署前因井而設於

政治地理大不適用近來遇事掣肘卽生其弊宜令州治速遷石門以利交通而資敏活惟恐舊城附郭紳民反對擬用暫遷字樣令該州兼辦督煎以省冗員二將曲碕電局移置該州以靈消息三畫崇心以外之漕湖老窩六庫各地爲分州並於六庫以上落母得各地駐兵防守四稍示撫恤該處兵災後公私之損失其詳由王九齡到榆面陳等語第三條尤宜審慎希卽就近斟酌辦理並復都督府江印

騰衝黃太守覽龍川江經曆前經議飭移住明光大寨以資控馭並電准在案希卽迅速辦理轉飭知照並將辦理情形通報查考總司令部卽印

省城軍都督府鈞鑒查龍陵廳原設巡檢一員何駐城內其職務僅只監獄督捕範圍甚狹無足輕重該屬潞江一帶重要擬將該巡檢移駐潞江札飭新任廳張丞勘明情形酌定地點以便治理查有習丹書勤慎耐勞堪以委署斯缺除刊印札委暨行知龍陵廳張丞遵辦請飭部備案藩根源叩宥印

爲呈報事竊查永康州屬境沿邊一帶地方毗連英緬盜匪出沒緝捕爲難曾經飭永

康州知州和收切實查勘務擇一當衝扼要地點將勦朗巡檢移駐該處一面將勘定地方繪圖貼說具文飛報查考去後茲據該州繪圖申覆稱麻栗坵緊接英緬果敢縣界稽查出入緝捕盜賊自是緊要地方當即遵飭勦朗巡檢團紳等馳赴麻栗坵附近勦捧地方切實查勘繪具圖說擬請將勦朗巡檢移駐該處飭知該巡檢剋期赴任等情據此查麻栗坵緊接英緬果敢縣界誠爲緊要地方勦朗巡檢自應准其移駐該處以資緝捕除批飭外理合具文呈請鈞府查核備案須至呈者右呈雲南軍都督府省城軍都督府鈞鑒迤西沿邊各屬幅員遼闊漢夷雜處守吏旣難遙制治理因以放弛議欲增設員缺又慮政費不給茲查各府廳州縣分科辦事章程於同城佐雜職均議裁撤擬卽酌留數員分防邊要之區如永昌之上江距永三百里地近登梗控制爲難擬將永昌府經歷移駐該處之蠻因地方名爲十五喧經歷南甸之大廠距騰百餘里該處全係漢人不服土司筭理先年曾釀巨案治理尤不可緩擬於該處設一騰越縣分防縣丞缺卽將騰衝府司獄移駐該處改名八撮縣丞緬甯所屬土司邊遠尤難

控御擬將緬甯巡檢移駐六屯地方名爲六屯巡檢又查內地如永平屬之龍街廣通屬之舍資鎮南之沙橋雲龍之漕澗或係通衢或爲盜藪行旅居民深受其患亦非設一分防員缺無以資佐理而清盜原擬將永平縣典史移駐龍街改爲龍街巡檢廣通縣典史移駐舍資改爲舍資巡檢鎮南州吏目改爲沙橋巡檢雲龍州吏目改爲曹澗巡檢其各缺薪費均照原定數目支給各分防地段俟奉准後卽飭該管府廳縣妥爲劃分支配迭與各該府往復籌商均稱便利是否可行請飭部核議辦理仍候示遵師長根源叩寄印

騰衝黃太守覽迤西邊要地方同城佐雜曾經電請軍府改爲分防奉復照准並通電遵照各在案騰越司獄改爲騰越縣八撮分防縣丞其駐在地點擬於大廠或邦幸杞木寨三處中酌定一處惟該缺甚屬緊要非得熟習情形辦事切實之員不能勝任查有曹之騏明白諳練堪以委任希轉告該員此係爲地擇人切勿拒辭如允速復以便電請給委總司令感印

騰衝黃太守暨曹校長覽八撮縣丞一缺職雖微而關係甚大爲地擇人爲事擇人非子莫屬仍希屈就勿再拒辭着由黃守署內前所撥之國民軍二十名內撥交子昂六名帶往作爲衛兵何日起程仍盼甯復根源麻印

永昌由太守鑒楊經歷煜鴻改委十五喧分防移駐蠻因惟該地氣候較熱查有戶榜賴暮兩處尙可卽於此三處中酌一審定又前撥府署衛隊有四十名希酌撥十名給楊經歷作爲衛勇可也總司令陽印

省城軍都督府鈞鑒頃據趙卸巡按函稱鄧川州屬之寅塘里界於永北鶴慶賓川三屬之間民多流寓姦賭盜窩搶劫等案頻出又有教堂教士時宜保護擬請將該州吏目改爲寅塘巡檢卽以現署吏目陳昌緒改委公費照舊等語源覆查無異擬請援照卅電准照辦理如蒙允准卽由源刊刻印信就近給委飭卽赴任乞核示遵根源叩麻印

狀本總司令於麻日電陳軍府文曰據喇井灶紳李冠春等呈稱麗江縣屬山後里地

處幽僻夷民雜揉糾黨聚衆剽劫爲生鹽商往來時被搶掠懇請添設彈壓委員一員以司緝捕等情前來查山後里距麗六站治理不易喇麗等井皆在於此山深道阻盜賊孔多出沒無常緝捕維艱該灶紳等所陳各節均屬實情擬請設彈壓一員名曰山後里彈壓委員以喇井督銷委員兼充不另支薪作爲定案歸麗江府知府節制如防佐雜之例所有緝捕及十等罰以下事犯皆歸該委員管理其他重要案件仍歸麗江府辦理庶於保護商民之中仍寓維持鹽課之意已與麗江府姚守白井督銷總辦楊大材往復商妥可否乞核示飭遵根源叩麻印等語頃准軍政部灰電開麻電悉所請麗江縣屬山後里彈壓委員以喇井督銷員兼充係爲分治便民保衛商旅維持鹽課起見應准如電辦理除呈報令司外希卽轉飭遵照都督府政灰印等由准此除通令外合行給狀爲此狀仰該員卽使遵照錄電出示曉諭自陽歷七月初一日起凡該里有訴訟案件其刑事在十等罰以下及民事中之較輕者皆由該員直接收受審理每月収呈若干判決若干逐一註明事實理由按月造册呈報麗江府轉報查攷其刑

事在十等罰以上及民事中之重要者仍由麗江府管理該員不得擅行收受惟聞見所及雖不在權限內仍宜報明該管府核辦至於搶劫偷竊各案犯及土匪流氓該員皆有緝捕之責獲則解送該管府辦理但不得累及無辜是爲至要若係關於鹽務事項仍直接稟承督銷總辦核辦以清權限彈壓關防隨文發給仍將到差啓用日期通報查攷此狀計發木質關防一顆委兼山後里彈壓喇井督銷委員段尙春

省城軍政部台鑒豔電悉維西自治員紳翟鴻儒等稟請劃分境界及酌移鎮府一員駐維一案前准寒電當卽電飭大理秦守壘江姚守會同斟酌情形妥擬議復尙未據復竊惟永北麗江俱屬要衝鎮之駐永府之駐麗均難遷移况麗縣已裁府事較昔爲繁而其職亦較昔爲重永北地面寥闊毗連川邊土匪時有滋擾藩源在榆會同丁鎮請將鶴麗鎮移駐永北已蒙軍府電准照辦翟紳等請移於維殆未覩鎮已移永麗已裁縣之明文至維西固屬重要該紳等所陳各節亦不爲無見惟查該廳有副將同城並兼帶一營如用得其人相助爲理雖無鎮府未始不可以資鎮攝前電軍府請更廳

協蓋具此意經營獃狽爲當今急務然非專員身歷其地不爲功管見所及先陳備擇仍俟秦守等查復到時再爲詳陳藩根源叩豔印

一件據太和縣紳士耆民楊序等呈爲太和境土太狹懇乞另行分割以便地方自治由

欲增添太和境地輕減人民擔負亦見苦心惟現在大局甫定百端待理凡有改革如彌渡漾濞等處俱擇其萬不可緩者而爲之太和雖狹經界久正一議分割轉多滋擾應候攷察情形再行酌議仰即知照此諭

一件據順寧縣屬右甸紳士林世明等稟請改設縣治由

稟悉辦事手續須分次第此次議將彌渡漾濞改設縣治均擇其必不可緩者而爲之右甸距府較遠地方平坦道路交通改縣亦固其宜惟該處初經亂離現雖底定喘息未安遽加改革轉多擾累况經歷之設已歷多年現復准其暫理民刑訴訟祇須委任得人地方亦尙可相安似不必汲汲於此所請着暫從緩議仰即知照此諭

一件委充壽辦怒球邊務副委員何澤遠高存禮稟請添設縣治以便經營邊疆由維西接壤英商地界交涉關係重要阿墩子爲入川出藏咽喉其下通梳筒江又爲藏中鎖鑰所請於阿墩子設治添釐不爲無見仰再會同該廳再爲詳細調查斟酌損益呈辦至於籌辦怒球邊務首在撫綏夷衆倘能使彼就我範圍毫無猜疑則以後有所設施自不患其不忻然樂從此亦籌邊之一道也併即遵照繳

爲札飭遵照事照得騰越地方從前因駐兵而設屯田因防匪而設練田當時緬夷崛起強野匪跳梁寓兵於農固屬法良意美承平日久屯兵撤矣而屯田化爲私產練穀耗矣而佃兵直等佃民耕屯田者卽有一二繳價領照之人而被侵佔者恆多充練丁者卽有一二從公奉命之人而能緝捕者恆少現在民國新造財政困難而地方興革各事宜與軍人餉糈行政經費在在需欸熱心公益之人且爭出私財捐輸報効何況地方公產尤當清釐除札

騰街自治公所

外合行札飭札到該

府公所

即便

督同自治公所商承騰街府

遴派分

任財政廉幹議員分投前往府治十八練七土司地方逐細調查究竟某練某司舊有

屯田若干畝耕屯田者共有若干戶曾繳田價領執照者共有若干未繳未領者共有若干勘驗明確分別造冊列表稟候核辦至練田多在西北河西緬箐古永蓋西一帶地方原設八卡卡弁分轄練總練丁現尙未裁究竟練田共有若干畝練穀若干籬尤不難按冊而稽其中每年入於練總練丁者若干入於卡弁及騰越官吏者若干祇須破除情面切實調查亦不難得其底蘊應卽一併造冊列表候核其以前侵佔屯田吞蝕練穀各官吏紳首無論多少祇須認出概不追究該守公所須知此係理地方之財辦地方之事不得稍有瞻徇卽舊日明估暗侵分肥入己之人無功獲利亦已多年姑念事成通弊不欲專責之於少數人此次僅令歸還故物不予窮追想亦必樂於自首也切速特札右札仰騰衝府准此

爲

札行知
札飭遵辦

事照得騰屬七土司及河西等練地方原設勳田屯田甸田各項前經札

飭該

府公所

派員查辦在案現在事逾二十日尙無頭緒亟應遴選自治員紳

盧占魁楊藻春李天寶陳文睿楊大富董友蘭江如貴王愛賢黃增濂會同七土司暨

屯目王相臣楊大雲李國炳李進陞等前往各處詳細調查所有勳田屯田甸田之處

無論已否典賣均應尺寸歸公凡經查出者應即栽椿立界詳細繪圖貼說并即招佃

酌中議定某年納租谷若干該村寨該山廠年納租銀若干取具該佃戶租戶切實

租約詳立簿據分晰造冊具報查考撥歸騰屬地方自治實業教育公用並勒碑石以

垂永久除分別札委行知騰衝府及自治公所外合亟飭知爲此札仰該府公所即便

遵照仰該議員遵照迅即會同前往各處詳細調查認真辦理毋稍推諉宕延致干

重究凜之慎之再該議員該屯戶每人月給薪水銀二十兩每日給津貼銀式錢每員

給馬一匹每日給脚銀三錢准帶隨從一人月給餉銀肆兩每日給差盤銀七分差竣

即由自治公所結算請領以資辦公切切特札右行知騰衝府知府黃守騰衝自治公

所

呈竊查迤西各府廳州縣各局所並陸防各軍暨張提督文光在騰時呈繳本部與前

奉鈞府飭令轉發未經發給一切印信關防鈐記共計壹百壹拾貳顆理合繕具清摺

具文呈繳鈞府查核註銷計呈清摺一扣信印關防鈐記壹百壹拾柒顆此呈雲南軍
都督府

計開永昌府印壹顆銅質大理府印壹顆銅質趙州印壹顆銅質保山縣印壹顆銅質
廣通縣印壹顆銅質施甸巡檢印壹顆銅質杉木和巡檢印壹顆銅質永昌府改駐龍
陵水利同知關防壹顆銅質龍陵廳儒學記壹顆銅質保山縣儒學記壹顆銅質騰越
蓋達副宣撫使司印壹顆銅質保山縣魯掌土千總印壹顆銅質龍陵芒市安撫司印
壹顆銅質順甯縣印壹顆銅質騰越茨竹寨土守備印壹顆騰越猛卯安撫司印壹顆
龍陵遮放宣武司印壹顆騰越南甸宣撫司印壹顆騰越明光隘土把總印壹顆麗江
縣印壹顆太和縣印壹顆楚雄縣印壹顆保山縣印壹顆六庫土千總印壹顆耿馬宣
撫司印壹顆卯照土目印壹顆騰越廳印壹顆保山縣練地土巡捕印壹顆千崖宣撫
司印壹顆臘撒長官司印壹顆猛猛土巡檢印壹顆永昌溫甸土知州印壹顆隴川宣
撫司印壹顆戶撒長官司印壹顆古永土把總印壹顆猛板土千總印壹顆滇灘隘土

目印壹顆永昌府孟定土知府印壹顆騰越土塘土把總印壹顆龍陵潞江安撫司印
壹顆永平縣典史鈐記貳顆保山縣典史鈐記壹顆永保釐金總局關防壹顆永昌釐
金局關防貳顆雲南第六區兼土民學務省視學員關防壹顆彌渡釐金局關防壹顆
大理城鄉兼下關警察長鈐記壹顆漾濞巡檢印壹顆白鹽井稽查改銷鹽務委員鈐
記壹顆雲龍井稽查改銷鹽務委員鈐記壹顆鎮南州吏目鈐記壹顆龍陵巡檢印壹
顆白鹽井儒學記壹顆銅麗江釐金局關防壹顆下關分銀行關防壹顆白鹽井鹽課
提舉司印壹顆銅迤西自治總機關部關防壹顆保山縣管轄永照土目段承蔭鈐記
壹顆保山縣管轄登埂土千總段澮鈐記壹顆保山縣管轄應襲魯掌土千總茶芳澤
鈐記壹顆阿墩子彈壓委員鈐記壹顆雲南第二模範中學堂關防壹顆騰越釐金局
關防壹顆保山縣自治公所鈐記壹顆騰越鐵路公司圖記壹顆騰越電報局鈐記壹
顆騰越官銀號鈐記壹顆騰越蚌西查卡委員鈐記壹顆龍陵兩等小學堂鈐記壹顆
蠻允電報分局鈐記壹顆騰越電綫查卡委員鈐記壹顆騰越叅事會鈐記壹顆騰越

正關委員鈐記壹顆下關釐金局關防壹顆騰越邊岸鹽務局關防壹顆保山縣民團
局關防壹顆雲南提督總兵官印壹顆騰越鎮關防壹顆銅維西協關防壹顆銅提標
中軍參將關防壹顆銅統領西防國民軍第七第十第十二三營關防壹顆西防國民
軍第七營關防壹顆西防國民軍第八營關防壹顆永昌國民軍團糧局鈐記壹顆西
防副營務處關防貳顆統領西防國民軍第四五六七八九十營關防壹顆統領西防
國民軍第十一十六十七營關防壹顆西防國民軍第十一二營關防貳顆督辦順雲
一帶軍務關防壹顆統領西防國民軍第二十二十一二十二營關防壹顆督帶西防
國民軍第十八十九營關防壹顆西防國民軍第九營關防壹顆西防國民軍第二營
關防壹顆西防巡防隊第四五營關防貳顆西防巡防隊第三營關防壹顆統領西防
巡防軍第四第十營關防壹顆統領西防巡防軍第一第二營關防壹顆西防巡防隊
第九營關防壹顆中華民國軍第二十一營關防壹顆緝禁緬私營關防壹顆西防巡
防隊第八營關防壹顆中華民國軍總司令關防壹顆西防國民軍第九營中隊官鈐

記壹顆西防國民軍第九營左隊官鈐記壹顆西防國民軍第九營右隊官鈐記壹顆步兵第八聯隊第一大隊長印壹顆步兵第七聯隊第三大隊長印壹顆陸軍步隊七十六標第一營管帶官關防壹顆陸軍步隊七十六標第二營管帶官關防壹顆陸軍步隊七十六標第三營管帶官關防壹顆陸軍步隊七十六標統帶官關防壹顆以上共計印信關防鈐記壹百壹拾柒顆

政費

省城軍都督府鈞鑒查府縣共官一城治理歸縣府若閒曹茲當改革伊始亟宜斟酌損益擬請凡府縣同城者即將縣缺裁撤縣事由府兼攝既汰冗員復節糜費昨在楚雄已裁縣缺該縣事務飭黃守兼管卸令涂建章長於實業該員到省尙可備用崇守謙頗有政聲宜加獎勸已照省議令改姓黃由楚撥給公產即入楚籍另給五百金俾生計有託復委充自治公所名譽總理寓保護於無形謹聞師長根源叩鈞印
雲南軍都督府鈞鑒儒學久爲冗官自勸學所成立即可全裁現在政治改革豈容閒

員糜費此次經行抵楚在任者亦屬寥寥擬請將通省學官概行裁撤廉俸歸之公家學租提爲該地方高初兩等小學經費似不無小補乞銜核通飭遵辦根源叩芻印令飭遵辦事照得騰永舊設教諭訓導兩缺自停科舉辦學堂以來該學官等無所事事久同疣贅况值改革之際留此冗員更爲無謂亟應一律裁撤以節糜費所有衙署租石公產均撥歸自治公所接收以作地方辦理學務之用其僧綱司道紀司陰陽學春官人等尤屬無用並應一律裁撤其公產租石亦撥歸自治公所接收以作辦理地方實業之用爲此令仰該府轉飭遵照並將裁撤及該公所接管日期具報查考切切此令騰衝府黃守永昌府由守

雲南軍都督府鈞鑒茲有亟應呈商各事臚列於左一各屬府廳州縣未定公費辦事觀望諸多竭蹶擬請從速確定宣布實行一各屬房書悉令裁革擬分財政文牘訟獄三科由本管官擇人辦理以清積弊一各屬錢糧雜稅擬派自治紳監官收未定公費以前其向歸官者照舊提出平餘各項辦公已定公費後卽儘數報解隱匿侵挪者分

別究治一紳監官收及應否酌給津貼及收稅之司巡書役人等應否給予薪工其自願包收包解者不計一征收錢糧所用書役向有規費如串票裁票等數應否准其照收一征收錢糧向章以龍元一元半作銀一兩針費解費炸課上庫等費在外故各屬有仍以一元七八毫作銀一兩者茲擬實征實解統以銀元錢票上納准以龍元一元作七錢二分一切征費解費炸課等項悉予蠲除財政司不必沿用搭解之法則各屬報解固昭核實而民間實減輕負擔無算一隨糧征收夫馬團費仍照征外積谷一欸前雖豁免但現在各屬動用積谷辦事者不少擬仍照前徵收買谷填倉以備儲蓄既除去針費等項擔負減輕即重收積谷一項民間亦不受累一各屬之牲稅升斗稅酒稅肉稅以及各府之百貨稅現商務不甚流通抽收定必減色擬令實收實報實解既派監收或無隱匿如或弊混查出重究一各屬向有陋規除瑣屑擾民者應予革除外其前經具報有案已飭化私爲公照數收解但未給公費之前應否准其照收以作辦公之用一各屬因案罰款以及訟費暨充公之欸應飭據實詳報准其留作該地方振

興教育實業之費以上各節應如何斟酌妥善擬請飭軍政部督司會同參議院迅速公議交諮議局議決呈請核定通飭遵行此係行政官亟應着手之事關係財政吏治似不可緩是否有當祈電示飭遵師長根源謹叩皓印

雲南軍政部財政司鑒各屬府廳州縣公費尙未核定辦事固多竭蹶陋規亦難革除殊非察吏安民之道查前李督所定除雲南府昆明縣外其餘分別繁簡已具規模一切役食均包在內現在或照前議酌給六成或五成抑或由尊處另議規定呈准施行以本年冬月初一日爲實行期如何希電復根源叩皓印

軍政部鑒財政司漾電悉府廳州縣公費經司定爲三等足資辦公惟列表通佈時應聲明俸廉一併在內當此度支奇絀不能不力求撙節至佐貳雜職與州縣同城者應如府縣同城辦法一併裁去該衙門如有陋規亦應歸人該地方行政經費或專指明作該地方實業學務經費其不同城之分防各缺現難裁撤此次宜一併分別議定公費以免藉口特陳根源叩有印

省城軍都督府鈞鑒郵遞便利較驛站可靠前在省會議及各屬暨繁盛市鎮均一律遍設由外交司商之郵政局總辦未成中止茲查此項仍宜舉辦如慮遍設正局爲難或設代理分局似亦可行且辦郵政便可將原有之驛站夫馬一項全行裁撤卽以此欸添資郵費不無小補以後文件概交郵遞卽不發塘又檢驗吏一項原備相驗命案之用由省學習畢業發回各屬一二名不等每名月支工食四兩向由隨糧抽收夫馬錢文項下坐支其實該吏等經驗太少各屬每留用舊件以助之此項應否照舊抑或裁撤以節糜費孤貧一項名額多寡不同每名月給銀三錢向係請領按月支發此後應否仍飭具領抑由何欸開支各屬既定公費似不便將此項歸併在內致有賠累又原有訟費本係兩造併出差役官中各半此官中一半多以分給跟丁有另給跟丁工食而以此欸移作傷賞醫藥賑恤案犯各用者今旣酌定公費此項訟費應否准收作爲差役工食抑作爲該地方實業費或警察費以上各節所過州縣紛紛請示未便判決乞飭軍政部察酌妥議迅賜示遵師長根源叩齊印

一件批委署順甯府張守漢舉摺陳各條請核示文

批摺悉查兵權應歸統一而餉項尤戒虛糜該府所請添設防營挑練團勇各節現在財政奇絀尙須裁撤兵團以輕吾民擔負該府如慮地方亂事甫定藉爲鎮攝姑候酌撥國民軍一營在順駐紮飭由該府商同該管帶調遣知府兼攝縣事前已規定未便再議紛更該府務湏勉爲其難不可意圖諉卸辦保甲禁鴉片購棉種俾地方官應辦之事既於趙州及賓川辦有成效自應實力舉辦不可徒託空言至國家財政糧稅等項業經報明由自治紳監官收由官依限報解地方歲入各欸專辦地方之事自有舊定章程該府擬設統計處分別收管是否可行由該府自行酌量辦理該缺公費已定不日卽由都督府核飭遵照所有前經報明之一切公欸規費應卽據寔報解不得藉口開支以符通案所請自募親兵二十名自給月餉自可准行惟新式快槍不敷撥發俟察看情形酌發槍彈以資保衛併卽知照此批

省城軍都督府鈞鑒頃據黃護道稟稱西道公費月五百元監督辦公經費月一百九

十二兩營務處公費六十八兩謙在兼護任內公牘均係自辦以前幕友繙譯文案一切名目概未設立而道署事務輕減尙覺寬然有餘又查此項人員從前亦徒存其名往往延一幕友了事至繙譯一項歷任均無其人亦從無繙譯之事現所用只賬房書記刷印工匠十餘人擬請支公費經費之半已足敷用至正分各關委員書識差弁親兵雜費從前年開支萬數千金率爲位置私人及入私囊之用現在公帑奇絀亟應將冗員薪水分別大加裁減實用實銷以能敷辦公爲止至關道親兵原有四十名差弁八名營務處親兵八名本擬全行不用特因第九營開拔騰城別無國民軍駐紮小有事故無人調遣現募親兵十四名爲一小排薪餉軍裝實支實報至營務處前有發餉繳曠等事尙須用人現有餉械分局無所事事可不支費等情請示前來查方今政費奇窘百度維艱薪費一端鈞府首自貶損爲群倫倡兼差人員均不另支薪水西道一缺既有西道公費又有監督辦公經費已屬綽有餘裕有趙巡按任內報銷實數可資印証營務處無所事事更不應另行支費此項公費銀兩應即停止以節虛糜所用幕

友或文案以及書記人等應概由公費及辦公經費內自行支給不得另列開報以符名實該護道任內一切撙節開支即准支公費經費之半至各項關員弁兵雜費從前本係多立名目以爲位置私人中飽私囊之地現在整飭財政此弊首宜澄清既經該護道分別裁減實報實銷以後即請查照此次實報數目作爲定案不得濫行支報以昭覈實至所用親兵除營務處八名應行裁去外黃護道現定辦法自較單簡惟將來是否照該護道辦法抑或仍照原有四十八名之數應請核定立案遵行至營務處名目前係分立機關兼有發餉繳曠等事現餉糈事宜既統歸餉械分局辦理而各府所兼副營務處如大理麗江兩府均經奉電裁撤改兼諮謀官此項營務處名目應如何辦理以歸劃一之處統祈核示以便轉飭遵照師長根源叩真印

省城軍都督府鈞鑒源前電請暫定各府廳州縣公費原爲節減行政經費剔除官吏中飽起見茲據各屬呈報分科辦事情形及所擬簡章前來一若以公費爲己薪凡各科人員書記司法警察薪水及零星筆墨等費皆另行臚列劃由糧稅漏規及訟費項

下開支查此項漏規在未定公費以前挹爲辦公經費則可既定公費以後正宜飭其
逐一報解以杜中飽如尙因仍舊制是爲官吏一人計而不爲公家計也鈞府總理庶
機手定俸給月俸百二十金其守一郡宰一邑者乃至數百金此熱心做官者之日以
多而奔競於利祿之場者之日以熾也當此帑藏空虛庶政待理不爲撙節之務猶蹈
浮靡之風試問吾滇財政能支持否乎且查各屬來冊如永昌府年共需銀陸千壹百
玖拾餘元大理府則格外節損年亦需銀式千陸百捌拾餘元其餘可知擬請明白規
定分俸給公費爲二項每項仍區爲三等府兼縣事均爲一等廳州縣悉仍其舊一等
俸壹百伍拾元二等俸壹百貳拾元三等俸壹百元是一等可餘叁百伍拾元二等可
餘式百捌拾元三等可餘式百元劃作分科辦事經費自屬有盈無絀又查部定各科
人員薪水多寡不一擬略爲變通除行政一科不設科員外如司法科科員一員一二
等肆拾元三等叁拾元另設典獄官一員一等式拾元二等拾伍元三等拾元以期機
關完備又主計科科員一員一等貳拾元二等拾陸元三等拾肆元司法巡警一等二

十六名每名月支肆元共一百零四元二等二十二名月共八十八元三等十六名月共六十四元書記一等十名每名月支六元共六十元二等八名共四十八元三等六名共三十六元收發員一二三等各設一員月薪均十二元收發書記及檢驗吏各設一名月共支十二元有餘則概作各科筆墨紙張燈油等項雜費實支實報從前各屬陋規無論官得吏得以及訟費罰金一概飭令確實報繳如有絲毫隱蝕一經查出皆以贓私論十兩以下者倍罰革職二十兩以下者加兩倍罰革職永不叙用三十兩以下者加三倍罰革職監禁三年三十兩以上者處斬但各屬官俸既定其下鄉公出之旅費監犯之囚糧刑事案之緝捕費均宜准其實報實銷以免賠累照此規定如迤西各屬約計每年可撙節之費不下十萬元統計三迤年可撙節二十餘萬是否可行請交部司核議後咨省議會迅速決議施行至各道俸給公費究應如何釐定應請一併核議師長根源叩巧印

行營李師長鑒巧電敬悉府州縣公費自應併行政費用在內自辦事章程頒行各屬

多誤會公費全爲俸給致呈報分科辦事經費另將應解之陋規訟費開支而公費仍歸支領殊多未合現已釐定通章分別俸給暨公費爲兩項所有陋規訟費一概解省已呈請交議道缺并在議中謹聞都督府政馬印

省城軍都督府鈞鑒咨電陳請規定府廳州縣各署佐治員委薪水斟酌繁簡體察財力雖照政部所定章程略爲變通其於政部所定公費尙無出入曾蒙交部核議在案惟現在司法既未獨立各署事務紛繁爲設佐治所以資贊助而免叢脞也若不明定任用方法致使不肖有司得藉此以爲位置私人之地殊非設官佐理之意擬請將此項委員均定爲員缺并由鈞府給狀任用以重職守除行政一科由該長官呈請委任外主計典獄收發各員均由鈞府遴員委任至邊遠各屬必須人地相宜准由各長官分別保舉熟習情形二三員造具履歷呈請酌核給委庶用人可收統一之效而仕途將無擁擠之虞是否有當乞併咨電發交部司妥議施行師長根源叩豔印

省城軍都督府鈞鑒各屬所儲兵穀原備綠營兵食現在提鎮額兵無多而兵穀存儲

每屬有數千百石卽大理而論按年只發兵米一百四十四石而現存之穀米約共五千石蛀蝕霉變無年無之各屬每值新舊交代之時風扇盤量諸多折耗前後任輾轉遞交未有不虧賠者該廳州縣先有錢糧平餘可以補償茲則歸官之陋規既已歸公各官之俸給又將規定則此項虧賠若仍前責令擔負似亦不近人情查各屬皆有積穀向由紳士經營此項兵穀當可援照積穀辦法交由自治公所管理官爲監督實放實收蓋官之在任無定期自治紳董有專屬固無庸隨時交盤亦無慮監守盜賣每年推陳出新由官察核具報縱稍有折耗亦可實報實銷亦不致有賠累兩相鉗制公家有益無害可不強人所難此變通盡利之一法其實綠營兵米已屬有限與其領陳倉之穀何如放折色之銀現在青黃不接米價日騰若乘時將所存穀米一律發出平糶民間既免艱食之苦公家可得善價而沾各屬官吏亦不致無辜受累一舉而三善備似亦可斟酌飭行如蒙俞允擬以後卽永遠征收折色連同現在變價之銀兩悉解財政司另欸存儲或交存銀行以備荒賑不得藉事挪移此又變通之一法兵穀係地方

行政與積穀性質不同應如何辦理之處伏乞飭司妥議呈候飭遵根源叩庚印

大理李師長鑒庚電悉查各屬儲存兵米通令變價解省距省遠者存分銀行而各屬遵解者寥寥恐多虧耗非澈查嚴飭解繳不可候令司核辦至以後應征兵穀業經議定一律照市價永遠折征報解已通令照辦矣都督府文印

爲命令事案查前據和順練紳民張德洋寸尊福等呈稱竊查和順練蕉溪村外小團坡山地相傳爲寸姓之業因與尹姓有葭葶之誼送葬一棺尹姓藉此進步屢次爭佔不已叢葬多塚現在尹姓之封山碑雖存而拜掃早已無人懇請將該處餘地提歸本練學堂售賣以作公用等情當經批准在案茲據該族尹乃憲等陳明情形懇請仍舊撥還前來本師長復查小團坡爲尹姓墓田有碑有塚其子孫春秋祭掃至今不缺張紳等自係誤言本師長亦不免誤聽亟應將前批取銷仰候札飭騰衝府暨自治公所選派公正員紳前往該練會同該處紳耆及尹姓族人勘明小團坡山地所有尹姓墳塚每塚四面均留隙地二丈在四至栽立界椿以杜侵佔踐踏僭外隙地卽會同變價

分作三成以一成給尹姓作爲該族辦學之款以一成給和順練作爲該鄉小學經費以一成提歸府城自治公所作爲地方學務經費如此劃分割析庶可以免爭執而斷葛籐除批示外合亟命令爲此仰該府該公所即便遵照辦理切切此令一令騰衝府自治公所

一件批騰衝張氏呈請報効以釋追究文

批呈悉該氏故父張以芳昔日懋遷積資累萬金多子缺贖恨重泉伯道雖然無兒中郎幸而有女贅壻本是半子稍慰孀母當時之悲猶子原可承祧何妨繼祀百世之緒乃爲壻爲後利在多金日往月來怨積興訟茲者或挾簿券而潛伏或捲契據以遠颺若聽長此案懸將來纏訟奚已本總司令周諮衆論博訪鄉評僉謂以芳本鄉遺產外債今尙有十餘萬兩之多與其留供無識之揮霍何若捐作有益之應用除飭龍陵廳將李玖張有守互訟案取銷免究外仰該府即便會同騰衝自治公所商務分會迅將張以芳所遺財產暨外債逐細清查確實分別造冊遵照後開辦法以三千兩撥歸該

氏宗祠作爲歲時祭費以三千兩修理東嶽廟後層殿宇即供張以芳木主於內題曰騰衝大商業家張公以芳神位春秋永享祭祀鄉人之報賽宜榮於孫子之烝嘗以五千兩分給張有守以五千兩分給該氏三千兩分給李玖五千兩分給未字在室之第二女以作奩資其餘悉歸騰衝自治公所專充騰衝地方學務費實業費官家不得挪用分文至張有守李玖前於騰軍義舉報効軍餉銀三萬兩現經本總司令電請軍都督府各獎給同正校尉職銜并請給予張以芳祠匾額一方暨本總司令書給匾聯懸掛祠內一俟奉到卽行轉發以旌其功而彰其美仰卽遵照原訴並發仍繳此批

令據騰衝府土著民籍寓居龍陵街民婦張氏訴伊夫李九與伊弟有守素不和睦因此具控現皆逃匿懇恩令知憫報効以釋追究等情一案當經本總司令官批示據訴已悉云云此批等語除榜示暨分令外合行令知仰該丞即便遵照辦理原詞抄發此令龍陵同知張鑑安

令現當改革之初整理百務需費浩繁而國帑支絀勢不能盡舉地方之行政經費悉

仰給於公家所有地方公款亦已提撥告罄此紳商士庶所宜同心協力共同擔負者也本師長前在騰越保山等處曾議辦富戶捐辦法凡人民資產滿六千兩以上者年捐銀拾兩滿貳千兩以上者年捐銀伍兩滿六百兩以上者年捐銀貳兩定限夏冬兩季繳納捐集之款卽分兩項用途以二成作興學經費一成作振興實業款項在殷實之家此數既無所加損而庶政興舉所賴已多且以人民之財辦地方之事取於餘裕事不煩苛騰保行之已無窒碍自當仿照辦理以促政治進行除令永平縣自治公所遵照外合行令仰該縣公所遵照卽便照以上辦法按區切實調查以資產之盈虛定捐款之多寡切實勸導妥慎舉辦勿滋弊端尤不得稍涉索擾致干查辦並由縣出示通諭俾衆周知切切此令永平縣自治公所

令地方自治實爲共和之基現當改革之初尤宜力促進行以謀人民福利該縣自治經費奇絀不足以資辦公茲集官紳商議由酒戶及碾磨碓房各項酌予抽收以資補助其酒捐一項規定每百斤抽錢貳百文其碾磨碓捐均分別等差以出品之盈虛定

捐款之多寡碾房一項上等每年抽銀八兩次等每年抽銀五兩磨房一項上等每年抽銀二兩次等每年一兩確房一項上等每年一兩次等每年五錢限於本年秋冬兩季繳納除令自治公所 永平縣外合行令仰該縣公所遵照以上規定辦法分區調查妥慎辦理並須嚴束承辦人役毋得稍涉滋擾是爲至要切切此令永平縣知縣李治永平縣自治公所

令案據該縣自治公所議員王司才等呈稱查滿清蔣提台宗漢前於克復曲洞將桃園洞叛產田壹份撥歸永平昭忠祠以作歲修香火之資嗣於光緒甲辰年突有蔣姓師爺羅德懋以蔣仁孝蔣仁德之名估將此項叛產賣與永平訛去銀壹千叁百兩懇請提案追究以重公款等情當經令飭鶴慶州提案勒限追繳去後茲據羅德懋呈稱竊查蔣公宗漢二次克復永平所有叛產除分給住永之兵丁外下餘之數捐與永院試卷金田貳百畝鄉試卷金田壹百伍拾畝清廉橋歲修田八十畝漾瀟橋歲修田三十畝金龍橋歲修田三十畝下剩田三十餘畝因修金龍橋款項不敷遂將此田出售

與永平巡警局得銀壹千貳百兩有王司才在中作證除用去銀五百兩外下存七百兩業已全數交與蔣姓至永平昭忠祠並非該縣地方公建係蔣公將叛產一院改設亦係住永兵丁經營香火此祠內尙有園地三塊鋪面二間懇祈查核等情據此查該紳等前呈羅德懋所賣公產共銀壹千三百兩今該呈僅認銀壹千貳百兩并稱修金龍橋用去銀伍百兩實祇交與蔣姓銀七百兩核與該紳等原呈不相符合至稱捐與院試卷金鄉試卷金清廉橋濠橋金龍橋各田產暨昭忠祠園地鋪面是否不虛自應飭縣逐項詳細查明呈候核辦合亟命令爲此令仰該縣即便遵照辦理切切勿延此令永平縣知縣李治

一件據太和參事員楊文佐等稟稱毡戶抗捐不繳懇請批示抽收由

前據該毡戶何靜庵等具稟到轅當以業毡者擔負各捐未免過重批行大理府轉飭該紳等另籌的款辦理在案據稟各情如果該毡戶既已到會擔認自必立有認約何以現在又復懇請豁免仰即將認約呈候大理府查提訊明稟候核奪倘該毡戶有意

狡抗固應完追如其實有爲難則不如另行籌款之爲愈也繳

吏治

省城軍都督府鑒祿豐紳民對於現署令鄧維霖合詞攻訐甚烈源曉以公義謂宜官紳協力共保公安該紳等亦頗覺悟惟查鄧令輿情既已不孚辦事實亦庸闇應卽撤換該縣典史蕭庶恩人尙明穩輿論亦洽已委暫行代理惟衆紳均請飭原任朱令廷銓回任查朱令現署趙州能否令其回任擬俟到彼察看情形再電請示該縣盜風甚熾已飭官紳從嚴拿辦以靖地方再查地方官紳不必皆賢非嚴定辦事權限則放棄侵越搶攘無紀實爲地方之害擬請飭軍政部迅訂官紳辦事權限簡章頒布以資法守根源叩刪印

省城軍都督府鈞鑒查現代賓川州知州商廷倬難勝繁要且該州屬土匪遍地應變通委用武員方資鎮懾查有榆標二營前隊官楊贊東直隸人才勇兼濟復經孫聯長力保堪以委任該州知州又查浪穹縣知縣高觀光及漾濞巡檢張泌均平庸無能亦

應撤換擬請以蔣繼曾委署浪穹縣知縣解敦臨委署漾濞巡檢乞示遵辦藩根源叩
江印

軍都督府鈞鑒前民團局所委各屬團紳沿途接見或疲弱不堪或少年喜事殊少鄉
望素孚實力之人業經分別撤留另委充任擬請飭知軍政部轉飭民團局通飭
各屬以後所用紳團須責成該地方官會同自治紳董選舉公正明幹之人認真攷詢
報明給委有不合者隨時稟撤毋稍瞻徇當此地方初定官紳均責無旁貸總須一秉
至公人無廢事祈衡核示遵師長根源謹叩敬印

省城軍政部鑒據景東蔡丞稟改革後該處叅事會員侯應中陳毓慶選舉各種行政
總代表名目分任官廳行政司法收糧各事件凡文告糧票均用該會鈐記舊存槍碼
及各項冊籍卷宗亦并收入該會管理嗣奉電諭飭其照舊供職始據該會將糧冊糧
銀送署現程紳鴻烈奉委回廳辦團侯陳不能把持遂携帶快槍潛逃赴省一切團餉
既未照發挪移款項亦不交代團餉無着恐滋亂階請電省緝究等情查景東雖非迤

西轄境惟距榆較近既據該廳稟揭侯應中陳毓慶二人種種不法攜鎗逃省擬請轉飭傳飭歸案訊明分別追欵以示懲儆根源叩 印

軍都督府鈞鑒據順甯紳士楊元昌等稟卸順甯縣蕭桂祥因逃脫要犯撤任欠兵穀五百石每石合銀壹兩壹錢又借用警欵壹百伍拾兩二共合銀柒百兩琦守勒追未繳土匪之戕琦守蕭實與謀現已逃匿至省等情應請秘查拿辦藩根源叩江印

一件據鄧川州知州羅澤稟爲陳明情形懇請遴員接署俾得回梓省親由稟悉該州缺現已委員署理應准給假回籍省親以慰孝思至輸助援川軍餉出自該員熱誠多少遲速惟力是視將來如有助欵即就近呈由郭巡按使核收電報軍都督府分別轉發備案毋庸先行電飭仰卽知照繳

省城軍都督府鈞鑒刪電奉悉機務殷繁乏人襄理伏睹徵求之切敢以才智自私惟由君雲龍擬委永昌實出永紳同意各代表代爲請求辭極堅懇永遭此變搶攘無紀鎮康刀上達據地戕官邊局尤爲杌隳非官紳同心協力實難以共濟艱虞如果委任

非人因應失當萬一貽誤邊事既負鈞府綏邊之意亦失永紳望治之心反復思維惟有仍懇鈞府俯念邊地重要得人爲難仍以由雲龍委署斯缺秘書一職可否由寒電所陳各員中量加委用區區之愚實爲邊計非敢重違命令也師長根源叩銑印爲札飭密查事昨據蒙化紳士趙國祺面稟該廳林丞志恂藉端報復搜括民財懇請撤換等情詰以所搜何人有無確據卽言語支吾不能指實當諭以派員查明分別辦理去後該紳復到大理府聲稱林丞搜劫甚多堅請撤換經該府秦守堂訊飭將所搜括之民人姓名開呈該紳始而推諉記憶不清再三促之乃開出蒙城北街謝小臣一人據稱被林丞搜去箱一支由合郡紳士保求始免鎖審箱亦交還原物未動等語飭續開第二人則云并未目見祇係耳聞不能再開據此而論林丞之搜獲謝小臣之箱斷非無因搜之而原物交還未動可見無搜括民財之事該紳趙國祺指謝小臣一人爲據其中顯有別情特既經指實卽應澈底究查方足以昭折服除行知外爲此札飭該執事官遵照札到迅卽馳往蒙化廳嚴密偵查該廳丞林志恂有無藉端報復搜括

民財之事其搜獲謝小臣箱支究竟是何原因再風聞該廳有出示收繳公物不索私物之語是否屬實抑或其任官人役藉此告示滋擾民間均應逐一查明并將其告示揭呈據實稟覆以憑核辦該紳趙國祺先既不聯合士紳公稟輒以私人稟謁請換地方官務經再三究詰祇開出謝小臣一人而所開又無搜括之實難保非懷挾私嫌造謠生事亦應暫行飭府看管一俟查復到日分別虛實坐究此係特別飭查之件切勿瞻徇玩延特札右札第七聯執事官李振江

爲札飭遵辦事據前委測地部班員朱文炳報告省垣反正後鄧川愚民竟以爲全改舊時政治私種芙蓉遍地皆是懇由官示禁由紳勸導飭地方官及自治公所遍張告示兼派員紳演說極力勸導令其速改種雜糧以免有害農事若不預爲設施恐後日飭劑在蚩農殊覺可憐并辦團練一事經費由民間攤派難以支持因鄧邑地瘠民貧且逼近檢營土匪尙稱少有請將警察稍爲擴張成五十名之數卽寓團於內其欸項可由地方稅及公秤費支給緣地方稅公平稅向來由官經收茲懇由自治公所經理

與解餘欸卽爲警團費伏乞核辦等情據此查鴉片一物流毒甚深該州愚民乘改革之際誤聽訛傳竟爾私行種植實與法令大相背馳應卽由該州一面出示嚴禁一面揀派明白士紳分投演說極力勸導務期盡絕根株如敢故違立予剷除分別罰懲至寓團於警自屬可行能否擴充應視地方繁簡欸項贏絀酌量辦理至請提地方稅及公秤費餘欸作警團費由自治公所經理一層似仍應由官征收由紳監督俾免兩有含混除批示外爲此札仰該州卽便查照該班員所稟及指示各節妥籌辦理仍將遵辦情形具復備查特札右札鄧川州知州准此

爲札飭嚴緝事案據第七聯第三大隊第一中隊長稟稱第一中隊于十一月初四日拔隊午後七點抵鄧川城八點往會鄧川州羅澤詢問地方一切情形該州七月到任爲時無幾與百姓尙相安九點後鄧川州來寓坐談據云浪穹地界有匪首周阿貢到處搶掠且云右哨賭風甚熾屬明日經過此地可告知該地團保不要他們賭錢十一點一排長張增福在雲鶴店隔壁查得一民戶吸鴉煙卽叫警察來將煙槍器具交與

並囑告知大家不要吃煙初五日早到右哨即將鄧川州所托事件告知伊等至中所
一二排長在店門首獲盜匪黃老八一名被失主跟追當訊問該匪亦直認不諱該地
紳民亦不願具保遂送交鄧川州處置午後四點抵牛街有本隊正兵楊如軒擒獲前
遇匪人吳玉清于映山舖該兵報告于八月初一日由旗語學堂調赴鶴慶在張軍門
部下招募數日聞省垣反正所募之兵概行遣散該兵遂往榆投効十月十三日經浪
穹縣映山舖過突遇匪人六七名將銀錢衣服各項奪盡身受重傷該兵即往神靈旁
報告楊保長並請醫調治並報告過二營前隊楊隊官傷愈回榆歸在本隊此數人皆
可對証中隊長當訊問吳玉清供稱爲首的是馬超群我們是爲從的同時有六人銀
錢衣服現已分散當即送交警局請追拏同謀之人逾時拏著張子明石愛明所供與
吳玉清同并云馬超群現在三營村內中隊長往丁軍門處報告請設法軍門云此事
在映山舖已聽見說過伊等在該處肆行搶掠但映山舖係浪穹地界不歸鶴慶管可
將該匪送交浪穹管押聽候處置旋據牛街紳士來請拏匪首周金山周崑山該紳有

四人作嚮導派兵三十名由二排長率隊前往三營街將伊房子圍住搜尋據伊妻云前兩三日出門未歸到處搜尋全無踪跡等情並附鶴慶西區紳士張尙禮等稟詞一張前來據此查賭博卽盜賊之媒吸烟尤法令所禁鄧浪地方三者均有所聞何以保安正俗至於捕緝盜賊尤爲地方必不可緩之圖此次第一中隊甫至中所排長在店門首即遇盜主跟追盜匪黃老八擒獲訊供直言不諱至牛街又擒獲盜匪吳玉清復經該處警察局拿獲張子明石愛明二人均供係聽從馬超羣在映山舖搶劫正兵楊明軒之犯數十里路中連獲數盜盜風之熾已可概見除飭

鄧川州浪穹縣鶴慶州

遵照外合亟札飭

札到仰該州縣將現獲送案之盜訊取確供從嚴懲辦並將未獲之周阿貢在逃之馬超羣牛街紳士請拿之周金山周崑山及印金斗趙煥然等不分疆界嚴密協緝務獲究辦毋任遠颺致爲民患切切特札計抄發鶴慶西區紳士原稟一紙右札

鄧川州鶴慶州浪穹縣

爲札飭協緝事案據鶴慶自治團保局呈稱辛亥年十月二十九日據州屬東區姜營

之白蓮村住民王金榮報稱白晝搶擄目無天日懇恩作主以舒民困事情緣十月二十六日早辰有土匪唐興龍段秉成劉富春宋老六楊連有朱敬之等三十四人勾結外匪周阿貢等一二十人共五六十人各執槍刀器械擁入民家肆行搶擄所有銀錢什物騾馬牲口搶擄殆盡民父子見其賊勢猖獗各自逃生不然恐難免性命之憂也民雖已逃匿其賊首數人俱一一看明彼時即爲報知地方團局奈本地團勇無多兼且軍火不濟猶恐寡衆不敵民情出無奈只好投奔鶴慶城懇請速發精壯之勇並發連响快槍嚴行捕緝俾賊人無漏網之虞小民有奠安之勢也並粘抄什物單一紙等情前來同日又據該地團紳王定邦等稟同前由紳等查匪首唐興龍等伙串搶劫亟應嚴密緝拿以靖地方查周阿貢卽周崑山前據鶴慶屬之牛街團紳段大潤李接修函報周崑山自浪穹縣監放出聚匪倡言肆亂紳等曾經稟請發軍殲除在案未蒙示復覆據該紳等呈稱於十月十七日夜周崑山率匪黨印金斗趙煥然並不識名姓之匪黨數十人洶湧到牛街擾亂至學堂將警士范正顯戳傷並擄去什物等情到局當

即委去密查未回乃該匪狼子野心又於十月二十六日串同唐興龍等搶劫姜營白蓮村住民王金榮家銀物至數千之多復詢該地紳首僉云不虛查該匪周崑山實係老介慣盜黨羽甚多於癸卯年搶劫牛街天王寺又傷廟主斃命一案經鶴慶團紳李接修拿獲歸案監禁浪獄民始安帖不識近日何以得釋遽肆猖獗若此匪黨不除民難安枕查該匪係浪穹縣三營人此搶劫王金榮之首匪唐興龍宋老六又係鄧川楊塘里人碍難越界緝捕且姜營地方與賓川鄧川兩屬雜處尤非合力兜拿萬難措手等爲自治保安弭盜防患起見合無仰懇憲恩速飭浪穹鄧川賓川有司派團協紳力嚴緝務獲究辦除派團哨密緝並分移外理合具情轉懇俯念民膜照驗施行等情并抄呈失物清單盜匪姓名清單各一紙前來查鶴慶鄧川賓川毗連之姜營一帶實爲盜匪出沒之區彼盜之利於此者以距各治城寫遠且又爲接壤插花之地此拿彼竄緝捕爲難鄧浪鶴慶毗連之牛街三營映山舖一帶亦然搶劫巨案時有所聞究其原

因總不外二三巨盜如周阿貢唐興龍等誘結黨類出沒其間縱橫滋擾地方官以彼

疆此界之故或疎於緝捕或借詞推諉實不足以保商旅而安閭閻自今伊始凡確有重案著名盜匪勿論事出何處潛匿何方均應不分畛域隨地捕拿勿得再事依違致貽地方巨害除札

外合行札飭爲此仰該

即便遵照迅卽嚴密協拿務獲唐

興龍宋老六周阿貢楊連有段秉成朱敬之劉富春等訊取確供從重稟辦勿任遠颺切切特札計抄發失物姓名單一紙右札鄧川州浪穹縣鶴慶州賓川州准此

令飭會營嚴拏事案據該廳民人熊海廷控賊匪楊阿六等明火入室黑夜抄搶一案當經批示據呈已悉該民於本年九月內被賊匪楊阿六率領匪黨多人強劫該民銀錢衣物器具並毆傷事主携贓逃逸等情細核來呈并未聲敘曾否稟報地方官查勘緝究如果不虛實屬不法已極仰候令飭蒙化廳會營并飭漾濞巡檢一體嚴密緝拏該匪等務獲究辦以靜地方而安良善此諭合亟併案令飭爲此令仰該廳卽便遵照嚴密會營重賞購線并飭漾濞巡檢一體協緝務將該匪等按名拿獲照章懲辦以靜盜風而安良善勿得玩延原詞二帀令發辦畢仍繳切速此令蒙化廳林志恂

省城軍都督府鈞鑒案據維西廖倅電通稟受教堂教士要求挾制各節適值姚守春魁抵榆詢據稱該倅平日迹近張皇輿論亦頗不洽等語查教堂教士祇須地方官妥爲保護不出事端數十雖橫何所用其要挾若無故而受其要挾則該倅之畏蕙可知否則必因前請增兵截欸不獲放假此以懲愚鈞聽冀遂初請姚守迹近張皇之言不爲無因本擬卽時撤換惟該廳地居邊要非幹員不能勝任擬俟樾老旋榆再爲會商擇員請委合先電呈師長根源謹叩敬印

批永昌府呈閱杉木和巡檢馬驥稟

頃交閱該巡檢來稟披覽一週不勝慨歎查杉木和地方甫經蹂躪亟待拊循源於平日聞該員夙懷遠志委攝斯篆猶以短馭爲歎第謂牛刀小試亦必能抒其素蘊有所設施招徠流亡休養生息所期於賢者如此蓋不敢望於流俗吏也今閱來稟以爲該員到任伊始必有遠大之圖初不料累牘連篇一則曰清查湯判再則曰派民修整衙署民間疾苦未嘗聞也鄉里流亡未嘗問也此豈本師長之所以望於該員與該員之

所以對地方耶唐賢有云自慚居處崇未瞻斯民康今該員睹吾民之蕩析離居曾漠然無所動於中而動大工興大役岌岌不遑就令堂高數仞椽題數尺深居晏處於心安乎然使該巡檢衙署或毀於兵燹竟無一椽之覆猶可言也昨過其地親見其重門複道私寢公堂完好如故即謂戶樞櫪牖稍有損壞一二工役可以集事今來稟自陳乃至邀集地方團紳衿耆傳知九排二哨鄉約街約各行工匠遠近騷然如臨大事証以平日所聞該員何遂至此應卽由府批飭迅速自行出示曉諭卽日停工如其勞民糜費無論此欸之出於公出於民即使長官能爲之寬假恐地方父老子弟不能爲之諒也君子愛人以德用以質諸高明如何仍希酌奪批飭遵照

麗江轉劍川張牧覽聞正月初喬井因緝賭致傷人命該處痞匪挾此索賄多金如果屬實殊屬不成事體私和人命法所不容况係痞匪挾此訛索尤應嚴懲以遏刁風又聞該井會黨頗多圖壞警政已屬目無法紀并敢造謠惑衆尤爲不法已極統希查明照案辦理并遵照軍府嚴禁私立公口開堂結盟示諭拿案懲辦并將通緝案犯之趙

煥然曾犯劫案之謝海廷二名嚴行緝獲拿案懲治以靖地方分案具報查考總司令部銑印

省城軍都督府鈞鑒暫署騰衝府黃謙受事以來辦理一切庶政甚合機宜關於外交事件尤能精心贊助前請暫署因該府兼有師部叅事尙湏該員佐理現在騰事大部務稍鬆該府既能稱職擬請改爲署任以重責成惟騰事百端共舉其監獄捕務必湏佐治得人查有現署大姚縣典史曾慶慶曾習法律人亦勤慎擬請調署騰衝府司獄所遺典史一缺祈飭部遴委署理或飭楚雄黃守就近委員接署俾該員早日交卸來騰供職可否祈示遵行藩根源叩敬印

省城軍都督府鈞鑒源本日啟行宿橄欖寨接趙樾老專送樾老之叔電稱其尊人入春臥病精神銳減速歸侍奉切盼至軍府恩遇俟荃輩報効並附函謂方寸營亂難以治事切懇俯賜遄歸省視以遂烏私而免負罪名教感且不朽黃守才略攝道優裕望電省給委以便交替速行國民軍兩營暫駐騰永單率衛隊而行亦於地方無礙云云

樾老乞養已蒙俞允惟候代尙需時日頃閱電函詞尤迫蹙擬請先歸省視亦屬至情可否允暫歸里省視以遂孝思黃守於交涉邊防均係熟手如蒙允准卽以黃守兼護道篆俾得速行西道委定並懇迅爲發表飭速赴任伏候衡核飭遵師長根源叩宥印省城軍都督府鈞鑒昨奉儉電遵卽轉達趙巡按並飭黃守知照去後頃接趙巡按電稱轉奉鈞府儉電感遂烏私懇速飭黃守交代並委黃守暫兼統國民軍兩營以重防務等語查趙巡按蒙允歸省所統第九十兩營自可准委黃護道暫行兼統以便調遣惟趙巡按耆學重望坐鎮雅俗且於政俗利弊尤多灼見可否仍予專任巡按使以繫時望抑或另委軍府高等顧問官以備諮詢必能整飭風憲辰告遠猷再西道關防現經刊發惟趙巡按尙有經手事件擬請仍用原日巡按關防造報俟經手事竣再行繳銷統候核示遵行師長根源叩卅印

省城軍都督府鈞鑒前據鄭中隊長別電稱杉木和巡檢馬驥虐削民脂縱弟行兇姦淫請查辦前來當電飭永昌由守查復茲據呈稱據派該府經歷陸振河往查稟稱查

得二月初二日阿海寨趙國恩因小兒吵鬧被其叔母捏詞誣控馬巡檢治以毆打尊長之罪管押八日罰龍元二十九元十三日金和廷因傭工欠債潛逃遺下舊壞烟具兩件被馬巡檢搜獲隨從差役又搜去龍元二元將金和廷管押八日罰龍元十元罰送堂弟馬增濟二元罰給親兵錢六百文十五日馬巡檢稽查客店見有王長順鄭得勝李翰卿孟有才四人形跡可疑搜去銀十八兩二錢龍元十五元玉手鐲一對及洋毯綾綢馬褂洋絨滾身馬褥洋傘洋鞋篋帽草帽藍布包袱等各一二件乳扇四斤十六日傳關廟住持葉興發責問偷吸洋烟應罰龍元六十元葉興發抗辯不遵言語抵觸馬巡檢因責葉興發二百板割去左耳二十一日查店見王潤身壁間插有舊烟槍一枝因命差役嚴搜當搜去銀四兩一錢五分龍元七元玉手鐲一對銀練一條復將王潤身帶署罰銀六十元現駐杉陽小隊長譚瀛州聞知面勸發還銀物馬巡檢堅不應允譚不懌而返十九日飭差往龍台劉繼五家拏賭搜去服飾二十餘件新軍遇見同聲指責差役不受幾攘鬣端又將劉繼五鎖署罰銀壹百四十元三月初一日譚隊

長查街拏獲賭犯劉國明蔡興發供稱不敢私賭係與馬二老爺包定每月錢式千肆百文譚隊長將二犯送交巡檢訊問只供認每月包錢五百文又王洪順因趕街誤未關猪被馬增濟邀去賣錢壹千二百文譚隊長親爲緩頰仍罰錢三千六百文又凡遇男婦趕街携有香燭者即令差將所買米物并香燭拋擲示衆貧民因此生怨鄭中隊長電稟虐削民脂殆指此也又李同春林成之李景發杜萬倫何田元因闡字牌爲馬增濟拏獲曾罰李同春銀三十二元林成之等四人共罰銀三十二元鄭中隊長電稟縱弟兄兇殆指此也馬增濟生來浮蕩自到杉陽即與張胡氏通姦又復扒牆相窺李同春之妻胡氏以致人言嘖嘖謂爲強姦鄭中隊長電稟縱弟姦淫殆指此也等情查該巡檢從前以鼓吹革命爲當日官吏逮捕監禁源在大理士紳咸以爲言不能不加任用以昭激勸面詢所志頗有牛刀一試之心第見其經驗太少姑委署杉木和巡檢俾資歷練又以其蕭然寒素復准預支銀壹百元俾資辦公視事之初諄誠尤切不意貪汚昏謬失其本心一至於此舊吏既多難信新黨又出此儕用人之難深用慨歎現

經將該巡檢先行調永並飭將伊弟馬增濟帶永交案去後惟照查復各節官箴輿論均不能容究應如何辦理伏候衡核示遵師長根源叩卅一印

省城軍都督府鈞鑒頃接駐甯同鄉會萬急電稱賓川丁懷琛等清算罰款具控張漢皋一案請從詳查辦云云查此案前據該州士民王錫九劉體信丁懷琛等呈控前來當經批飭大理府轉飭新任州會紳查明稟復旋據稟稱前署州張收到任後適禁煙令嚴凡犯禁者紳則詳革監禁民則罰鍰贖罪煙毒已絕結怨亦深至罰充各款均由地方紳士經管嗣被楊紹震等上控張收復交紳首調查並經周前守提案環質取其各經管紳董切結楊紹震亦具結認誣後畏罪脫逃曾飭勒緝在案今王錫九等復出控告非聽候使即屬虛誣應將爲首之王錫九劉體信二名照反坐各予監禁一年批飭遵照辦理至張守漢皋廉正勤能爲守令冠此地方之公論非一人之私言前任賓川百廢具舉乃因執法結怨劣紳誣控相尋圖報私怨良足使奸邪長氣循吏灰心卽此次委署順甯兵亂未已受命卽行從容部署復睹治平毅力精心尤不易覩縱有小

疵亦不相掩又况前後控案衆論難誣同鄉會來電所云自係主張公論惟丁懷琛誣控未免飾詞淆聽其言尙何足信矧國事方殷宜圖遠大若一鄉一邑之事一人一案之微則有司存非閔哲所暇及也附陳私臆乞查核轉電同鄉會爲叩師長根源叩魚印

省城軍都督府鈞鑒漾電奉悉麗江府缺熊廷權爲最稱職現在邊才難得該員亦宜以公忘私彭汝勇爲滇中官吏貪酷之尤在巧家兼帶防營蝕餉缺額在大關取悅當道大興冤獄指學界爲革命黨株逮羅織至十餘人雲南雜誌時報北京日報皆著其事源時留東任同鄉會幹事大關同學鄧紹湘陳顯禹等揭其罪狀於會中曾稟滇督函陳小圃爲之解而彭先後爲丁振鐸錫良所寵信卒無如何今當民國初建不加誅侈已足以示寬大設以伸張民權之日登用摧殘民氣之人將何以對天下而服人心似不惟不當處以邊任抑且不當再假事權不暇問其才不才也源行將退休未始不可謝責然聞見所及緘默難安敢以直陳伏維衡核師長根源叩謙叩

一件據委赴雲龍查案委員劉濬稟遵查雲龍州知州及該屬自治員紳相率解職一案所有查明情形行該州及自治公所由

批此案前據該州蘇牧函請委代州紳議參兩會又呈請辭職卽慮其中有特別原因故派員前往查辦詎知皆由該牧之無責任心無公德心之構成此惡感也該牧身任地方凡地方事皆分內事事有不治咎無可辭該州自治公所無欸無人該牧視若秦越人之肥瘠絕不爲之設法維持目擊諸人之枵腹從事惟日飭查填表冊責以無米之炊監督名義之謂何豈以日給屠案錢四百餘文遂謂畢乃事耶據劉委員稟稱該州自治需欸實非無欸可籌如舊日收獲之門牌錢除開支外尙存七百餘千均爲團頭客長人等隱蝕吞沒該牧任其中飽不爲認真追究舉凡寺廟閒欸衙署冗欸以及紳士經管之廟租會費祭肉派錢等項有可以化私爲公者均可酌量提撥以爲辦公之費乃該牧一味瞻徇不願任勞任怨而紳士等又祇知販私煬竈置地方要政於不顧毫無互相匡助之心官紳相率辭職以爲可以依阿取容詎知放棄責任貽誤大局

該官紳等其能攫此重戾耶蘇牧前隨營辦事見其人尙強幹故特任以地方月有公費四百元當可熱心辦事與地方紳士相助爲理詎料其不顧公益祇便私圖雖罰款數十金猶待委員提明而後撥作公用在該牧不過以罰款可報作囚糧之費因靳之而吝不與人此等猥鄙之行問心何以自解固無怪該紳等之以繳鈔解散爲要挾也此時若遽將該牧撤任適以墮其畏難取巧之謀且恐長地方刁風茲姑予嚴批申斥稍示儆惕以觀後效責令該牧將應追繳之門牌錢限一月內悉數追究充作該州自治經費其一切之陋規冗欸公產廟租等項務卽悉數查察逐一釐剔歸公以後該州如政事廢弛法令不行該紳等若再各執意見不爲和衷辦事卽惟該官紳等是問毋謂以辭職爲卸過地便可置身事外也凜之切切摛由批雲龍州知州蘇紹章雲龍自治公所

省城學政司鑒劍川學員楊烈炘前充喬井小學校長冒蝕學欸有冊可稽據劍川官紳先後呈報經源派人調查屬實因將該員楊烈炘照侵蝕公欸罪罰令倍繳禁錮一

年以倣效尤乃該生不自悔艾輒敢煽惑鼓動本籍師範生及留省學生捏詞妄控朦
電長官源始亦恐有冤抑當飭劍川州將人証卷宗解榆審訊細核卷內冊報其浮冒
侵蝕逐件炳據無可遁飾該楊烈炘亦自俯首認錯罪無可辭以學員而侵蝕學欵監
禁賠繳自係應得之咎詎該生等竟妄言訟冤遷怒於自治議紳以致地方擾攘紛請
辭職百事擱置學務尤甚昨將此案詳細推究復查出師範畢業生現充大理中校教
員何振基袒私廢公從中主持親筆函告劍川高等小學校長段炯云伊在榆爲楊烈
炘運動本師長等語更有云榆校教員薪水甚豐可用八行求學司可得之言查其藉
勢招搖實爲胆大不法提案指實詰問亦自供認不諱當飭中校校長將該教員斥革
并追繳文憑永遠不准干預地方公事以爲無知妄作者戒查該生等身受教育多年
乃敢蔑棄師資植黨怙過非從嚴整頓不足以正學風若任其紊亂囂張激成事故何
足以維大局以後各屬留省學生請假回籍務懇嚴加告誡毋任在籍多事擾亂治安
是爲至禱特此電達即希查照根源叩蒸印

一件批據麗江府石登彈壓委員梁之彥呈報江東西里情形由

呈册均悉江東西里地方僻處荒隅人民頑梗飢寒交迫此盜賊之所以充斥也政教不施此桀黠之所以橫行也前設委員名曰彈壓用意良深惟受斯任者鮮克稱職非貪婪粗庸即因循敷衍以致名實不符弊端百出言之浩歎該委到差以後力加整頓於地方之情形人民之利病改革之手續振興之方法調查周密陳述詳切足見平日辦事認真深堪嘉尚除請撥殖邊隊一節碍雜照准外至所請釐定錢糧選聘教員嚴拿賭匪懲辦巫術封禁溜渡澄清盜源各節均屬可行仰候令飭麗江府酌奪辦理可也此批

省城軍政部暨新委西道楊毅廷君鑒地密兩勘電敬悉楊兆龍本賢吏非邊才在蜀補瀘州缺本藩獎薦後在瀘因事幾獲譴亦藩維持得調簡缺委署麗江雖尚堪任惟藏亂方熾蜀警頻聞非平時比似仍以熊廷權爲最宜熊君既願赴騰何又不可赴麗同居邊遠尙復何擇彙事與地方官又趙魏之老與滕薛大夫比也如謂毅廷履新必

資臂助黃守嫻於外交尤長吏牘邊勢夷情吏治防務尤所諳練欲求助理之人無出該守上者且與陸防各軍紳商各界沆瀣一氣政評輿論均有所歸毅廷此來足資倚畀再騰事大定有夜不扃戶之象蓋休養之日非紛擾之時所貴載寧靜持大體用人太多適以自累因忝知愛敢爲毅廷陳之尙希采擇熊君務望以公義敦迫受任藩等亦另有電勸駕楊兆龍以任府廳中一簡缺轉可展布自任西事以來於重要地位未嘗敢輕以畀人其間徵求羅致亦具苦心當爲諸公所諒察也藩根源叩艷印

令飭遵辦事查有騰衝府劣紳城保伍鳴和綺羅李生道大西趙韓文龍江常永成封輔國明光李生春等素無操守行止不端又楊金霖圖充陳雲龍參謀輒敢淆亂是非幾至生事本應卽予重辦以去口口惟念該紳等均列紳衿姑且寬其既往各聽自新惟自此伊始永遠不准干預地方公事如再不知歛迹出而把持生事准地方官嚴行拏辦除行自治局知照外合行令飭令到該守卽便遵照將此通示城內外以及各練地方一體週知毋得瞻徇切切此令騰衝府黃謙

令知事照得紳首爲地方之代表齊民之楷模應何如束身律已爲社會先本總司令官訪聞永郡有劣紳陳小丙張元甲劉家寶劉明星趙鏞徐殿勳六人或行爲貪污聲名狼籍或管公侵蝕武斷鄉曲均屬地方口口自今以後永遠不准干預地方公事倘再不知斂迹及早改行一經察覺或被人告發即由地方官加等懲辦決不姑貸除呈報咨行外合行令知爲此仰該府即便遵照立案並出示曉諭城鄉人等一體週知毋遲切切此令永昌府由雲龍

警察

省城軍都督府鈞鑒榆郡爲滄西要衝下關尤商旅輻輳亟應籌辦警察保護治安榆城警兵原額本六十名舊祇有四十名嗣機關部竟全撤之近恐詰責乃臨時募數人站街以爲塗飾下關則舊隸趙州從前並未舉行查城關五方雜處難免游民流痞涸迹其間惟將巡警辦理完全乃能保衛地方藉補軍隊所不及現飭兩處紳商籌款開辦郡城擬用警察長一員巡長二員警兵九十名以六十名駐城三十名巡鄉約需常

年費五千元開辦費壹千元下關擬用巡長一員警兵四十名即由郡城警察長兼管均歸大理府節制約需常年費貳千五百元開辦費八百元所募警兵分班教練郡城舊有在教練所畢業者先行召集服務不足即再補充現已委前陸軍警察隊官張子英充警察長飭大理秦守督同籌辦兩處警欵下關尙易措集昨據該處商紳來謁允認設法勢在必行惟調查舊有之欵全年祇有銀一千一百餘金再三飭紳妥籌乃欲以百貨加抽並提學欵及零星雜捐以爲搪塞查學欵固不應提撥而百貨加抽於稅釐有碍且下關旣由商會擔認更不能再予重征前太和胡令前經稟准燈捐局紳抗議不行茲竟擱起不提其意決不允認然細查城內市塵冷落似亦未便過於深求現飭該紳另再籌議併諭秦守於廟產公產設法提撥未知如何地方因敝如斯而警察又刻不容緩斷不能以經費支絀因仍苟且不爲實行無已惟有公家補助之一法榆郡爲迤西重地似不能不特別整飭也現已諭兩處一面舉辦一面籌維不得觀望遲疑務令尅期成立請飭軍務部揀發配刀九十把警笛三十個百步燈式十盞迅委解

榆應用俟開辦後卽將員兵薪工及應用服裝各物數目詳細列摺呈報候核伏乞示
遵巡按使藩師長根源叩歌印

爲札飭事照得榆城爲迤西要衝五方雜處良莠不齊亟應籌辦地方警察方足以保
護治安維持秩序查舊額原設警兵六十名乃祇有四十名辦理既不完全經費尤爲
竭蹶故機關部全撤之另募團兵以資保衛特民團未能常行駐在且於一切保安正
俗衛生等事未經教練茫然不知蓋民團祇可設備於有事之時而警察必須防維於
無事之際本總司令抵榆後卽擬先辦郡城警察又以下關商旅輻輳籌辦亦不可緩
當飭大理府傳諭紳商集欸興辦適有下關紳商舒良輔嚴鎮圭董朝榮等來榆謁見
允認籌費欣然樂從該紳商等之任事熱心實深嘉慰惟是郡城尤爲重要斷不得以
輕費支絀因仍苟且不爲實行且該紳等前於反正之初尙能鼓舞羣情集合團兵力
衛桑梓茲則大局初定民政關係匪輕詎可不急公好義勉爲其難以贊成此舉乎當
此之時求如下式輸粟子文毀家者固難其人而以地方之欸辦地方事一任公產公

欸自應提作要需民間之營業於斯可以自給者亦不能不略資擔負固不可再有畛域之見各存私利之心致要政無所措手也茲於郡城委用警察長一員巡長二員選募土著警兵四十名分班教練以六十名駐城三十名巡鄉前有在教練所畢業者先行招集服務不足卽再充補現已委前陸軍警察隊官張子英爲警察長並札大理府督同開辦尅日成立毋任宕延所有警欸約需常年費五千元開辦費一千元除舊有之欸連茶舖酒食館捐約共銀一百六十餘兩錢一千九百餘串外其不敷之數亟待續籌諸紳綜核長才諒能擔此義務爲此札仰

自治公所經費局

紳董知悉務卽聯合紳商迅速

籌議集有的欸切實稟覆以憑核辦濡筆以待切切勿延特札

爲札飭事照得下關地當要衝商旅輻輳而五方雜處難免游民流痞溺迹其間亟應籌辦地方警察方足以保護治安維持秩序該處向隸趙州因各鄉鎮巡警尙未成立故皆以團爲警既無一定駐在之所亦非曾經教練之人機關未能完全辦理殊難整肅本總司令以巡警藉可補助軍隊實爲裨益地方故抵榆後卽議辦郡城警察委張

子英爲警察長諭紳籌欸尅日開辦并與下關商紳舒良輔嚴鎮圭董朝榮籌商以下關爲迤西通衢巡警尤爲急務面飭該商紳等傳諭該處商民共謀公益集欸舉行頃准趙巡按函開接下關商界函辦警籌費均皆認可惟請由關募土著有保之人送城教練以免市井無賴混入其間等情具見該紳商任事熱心辦事周至實堪嘉慰茲經通盤籌畫格外節縮由該警察長開具員兵薪工應用各項物件數目價值呈核前來常年經費實需銀式千四百元開辦費實需銀壹千元委無分文虛糜無可核減該商紳民人等力顧大局諒能担此義務以保公共安甯其應募警兵即由該商紳等在關妥爲召募擇其年力強富稍識文字土著有保者約百人或八十人送交由該警察長挑選四十人限一月內教練普通警章畢業卽令到關服務其在教練期內祇給每人火食銀壹元五毫屆服務時方予全給工食一切應辦事宜均直隸於大理府由該警察長會同該商紳稟商該府察酌辦理毋庸再歸趙州以省繁牘爲此札仰該商紳等一體知悉務卽聯集商民迅速籌議刻卽稟復以憑核辦切切勿延特札附警局開支

各項數目清單一紙右札下關商務分會紳士人等

一件據太和縣自治公所正議長范宗瑩等呈爲警費由分區擔負請核示由

呈悉前以榆城重要亟應籌辦巡警當將警欸爲難情形電商軍都督府懇請官爲補助昨奉復電以公家補助終非持久善策且恐各屬藉口要求難于應付爲辭理由甚正自應仍以就地妥籌不苛不擾方爲正辦茲據稟公同議決由城鄉之有選民資格及營業可以自給者分區擔負計四區共獲銀洋約三千一百餘元照數分爲兩期由城鄉自治局經收繳赴縣經費局支發連原有之警欸共合洋五千元以爲警察常年經費等情具見諸紳任事實心城鄉各擔負輸納者皆能協力同心顧全大局我迤西郡縣若人人如此急公好義維持治安豈特全滇之福將爲全國所共仰矣佩慰之至惟各區所擔認之數究係如何分晰有選民資格者若干人每人若干元營業可以自給者其中有無等差尙須開列清單議定辦法呈候察核宣布周知方於按期經收可無窒礙蓋既負納金之義務卽享有糾察之權利以後如巡警果係辦理不善皆可由

議局報告而匡正之其大旨不外保安正俗衛生等事寔有裨益於地方固非同舊時之政府剝民以自肥也至所稟提署及中衡署田舖各租酌提添作警費一節目前暫作緩議併卽知照此批

爲札飭遵照事照得大理城鄉警察經費當經本師長札飭該局紳公同會議籌欸辦理據該紳等稟稱大衆議決由縣中有選民資格及營業足以自給者分區擔認共有叁千餘元分作兩屆由經費局收繳連同舊有警欸合計有伍千元上下以爲警察常年經費當經照准併飭開具詳細清單呈核各在案茲警局業經開辦此欸按月支銷該紳等認籌之欸均各大衆議決自無推宕游移惟是所收之數係分兩次收繳未收之前自應先由經費局墊支倘所收稍有短少稽延亦應責令該原議各局紳如數追繳警察爲地方要政斷非可敷衍一時冀圖搪塞該紳等辦事熱心諒詎始終維持也爲此札仰太和自治公所經費局各紳一體遵照毋違特札右札太和自治公所經費局准此

省城軍都督府鈞鑒騰衝府屬龍川江經歷缺員已三月據騰衝府呈請以該府正警察長解敦臨調署現在永城匪亂騰衝受影響伏莽滋多所遺正警察長一差若用尋常普通畢業之員斷難勝任因特別揀委師部一等副官鍾先達承充以便聯絡軍隊彈壓匪徒至經歷任紮界頭無甚關係俟地方大定擬卽飭移駐明光大寨控制片馬茶山小江一帶合先聲明除分別刊印給札外乞賜查核飭部備案藩根源叩銑印

爲給委任狀事照得大理警察自開辦以來竭蹶經營毫無效果一般巡士率多放棄職務不顧公安間有一二任事者又每每不諳警章逾越權限以致引人詬病動輒招尤揆厥由來皆緣各巡士流品甚雜教練不過月餘不能明白大義而月薪又復微薄不足贍及身家且受外界之激刺不克鼓其發奮自強之心竟有畏葸逃亡不願服務者此警務所以較開辦時日見腐敗不能不亟圖整頓也茲擬改良辦法以現署提標中軍叅將楊星焯兼充大理警務長原設在城之警士六十名裁去二十名三鄉之警士三十名裁去十名城設巡長二名巡目四名日夜更番巡察鄉設巡目二名帶同警

士輪往三鄉四周查緝所有薪餉警務長現任叅將不兼支薪每月准另給公費拾元
巡長每員各給月薪拾貳元巡目每名各給月薪五元各巡士每名各給月餉三元六
角其餘書記庶務警衛清道夫等悉仍其舊每月尙有無定雜費應由該警務長自行
額定核實開支如有罰欸即由罰欸支用具報凡關於地方行政事件會承大理府秦
守辦理自巡長以下悉聽大理府指揮每月應領薪餉由局具領轉由大理府向太和
經費局支給仍由該警務長按月造冊通報查核其裁存之警餉悉數擬爲太和初級
農業學校及平民工藝所常年經費均由經費局開支將從前所籌得之警欸分別劃
撥各歸各柱不得藉口欸已挪用即行抗欠本師長爲地方維持治安有稍可節省者
欲更擴張實業以興利源但期警務振刷一新實業教育普及實我太和人民之幸福
擔負此欸者當更熱心矣除呈報軍都督府並咨軍政部暨分令外合行給委任狀希
卽遵照尅日到差將前警務長張子英經手事宜所管各項接收清楚悉照現章汰除
劣弱挑練精強認真辦理以副委任仍將到差日期報查毋違此狀新委大理警務長

署提標中軍叅將楊星焯

令照得下關商務繁盛前飭籌設警察四十名以資保衛巡緝由大理府督飭警察長兼管經費即由下關商務分會擔任茲據該商會開單呈請縮小範圍改辦二十名仍歸趙州知州節制公舉董事一員巡長兼教練一員即由該會舉定咨送趙州給委所有應行整頓各事宜即由該州會同商會妥為規畫以促進行除分行外合亟命令為此令仰該府轉咨警察長遵照迅即撥交趙州接辦可也此令大理府知府趙州知州下關商務分會計發抄單一帑

令照得警察之設所以保衛公安所需經費自應竭力籌措庶免要改廢弛茲特議由客店茶舖各項酌予抽捐以資補助此項捐助辦法仍分等辦理凡客店宿舍多者為一等每月捐銀五元宿舍較少者為二等每月捐銀四元再少者為三等每月捐銀二元極少者為四等每月捐銀一元茶舖亦以人數之多寡分別等差一等捐二元二等捐一元三等捐五角除令行該縣公所外合行令仰該縣公所遵照以上辦法分區切

實調查妥慎辦理惟不得稍涉滋擾切切勿違此令永平縣知縣李治永平自治公所
照得門禁之設本以詰奸警政既興其用寢微而在商務繁盛之地尤足以碍交通故
今之商場市埠往往毀城垣弛門禁以利通行現在騰衝大局底定商業亟待振興因
查殷實之商號貿易之場合商旅之往來貨物之輻輳悉萃聚於城外各保而城門爲
出入要衝嚮暮卽閉匪惟妨礙交通尤難維持商務茲查騰衝城保外內警察業經增
設爲八十名並遴選警員認真教練於詰奸禁暴足資得力城門側近復設有巡警駐
在所專司稽查應卽由府飭令警察局將東南兩城城門取去非遇有非常之時不必
安設除行知騰越鎮外合行命令爲此仰該府卽便遵照辦理並行出示通諭俾衆周
知此令右命令騰衝府知府黃謙

交通

省城軍都督府鈞鑒查迤西大路由省至楚修理粗平楚以上停工未修道路極多坳
坎運送餉械備極艱難亟應接續趕修由楚至榆一節俾便轉運查此項經費前本劃

提有六千兩現究尙存若干應否續籌撥用其舊擬之章程十二條費歸官出工歸民認而石匠仍照價雇募民夫亦按發米鹽係以倉谷碾米運放運費由路工項下開支分段委員紳駐工督修員給薪津紳給火食其應用鋤耙器用係借用滇蜀公司購存之器以上各節從前本已規定去年由省修至楚雄本年由楚修至下關明年由下關修至騰越惟勘視工程劃分地段究應需款若干榆城無案可稽擬請飭軍政部查核原案酌議辦理當此冬晴農隙正可興工奉覆後卽督飭地方官趕緊僱工購料分段平治會同委員尅期辦竣懇乞銜核示遵根源叩陽印

省城軍都督府鈞鑒黃連堡電報分局自反正後經黃鑑峯移設曲洞查曲洞地居孔道回漢雜處距黃連堡僅一日程永平縣知縣現已移駐該處擬請將該分電局卽准常設該處以利交通乞飭總電局轉飭遵照師長根源謹叩艷印

爲行知事據騰越鋪司書識楊開德稟稱歷充騰屬鋪司遞送各處公文等件因責重事累各鋪先祖於前明時開報田畝征租應役至嘉靖四年免予升科名曰冷飯田斯

時每舖年由廳署請領發給鹽菜銀七十二兩傳至清時咸同年間兵燹案失至平靖清理所收租谷不敷辦公鹽菜銀兩停止書識卽負債勉強支應至光緒十五年章前廳奉文復設軍馬改爲驛站歸併舖遞僅設本城芹塘橄攬太平四站跑遞加添各防營公文除收租外每月稟請添給軍馬台站工食銀式拾壹兩陸錢迨至江前廳任內調查舖田統計年收租折銀肆百式拾玖兩又由省年領軍馬台站工食銀肆百壹拾兩三錢捌分因英領事駐騰邊案事起廳署添設交涉一房卽於此款撥與該房吏書工食銀式百兩其本城一驛東送芹菜塘南至蠻允各土司外交北達界頭廳暨城鄉十八練各關隘地面設書識一名健夫四名以芹塘橄攬太平等站合計書識叁名每名月支工食銀伍兩健夫拾名每名月支工食銀叁兩年共該銀五百肆拾兩遇閏加增照章辦理小心翼翼幸反正後書識卽在城靜候招募快健遵辦其事較前繁冗自知竭盡心力未敢疏懈已稟明張協都督賞准飭令辦理照舊管收舖田租穀等因所有永昌龍陵雲龍上江驛舖未立舉凡文牘均湏快健馳送到彼非十數人不能分佈

現收租折開支只是強爲敷衍今幸師長旋騰凡屬人民無不仰沾雨澤書識竊思既供舖司之役值此日事更新不揣冒昧伏乞憫念役苦賞准收租開支即令不敷自由舖戶同商彌補抑或請欸支辦是否之處均祈批示祇遵施行等情據此當經本總司令批示稟悉查各屬台站驛站業經札飭裁撤往返文卷均交郵遞騰屬所設舖司應即裁撤以歸一律所有舖田租谷撥歸自治公所_{騰衝府}以作公用除行知騰衝府及自治公所外切切此諭等語除批示外合亟行知該_{公所}遵照切切特行右行知_{騰衝府}自治公所

省城外交司鑒頃據白井督銷總辦楊大材稟稱查白井所屬各五井僻居邊遠交通不便文報往來動需專健擬請於喬喇雲各井添設郵局以期便利等情查該員請設郵局事屬可行特此轉達希即轉知郵政總局於未設局之處迅即添設可也根源叩敬印

令本總司令於五月初一日電令下關永昌騰衝等處商務分會文曰查永平道路倒塌坑坎極多雨水時行往來不易行旅既苦商運尤艱昨抵永邑與李令熟商培修而

永地著名瘠土萬難籌措然不及時修築日久坍塌愈甚需款尤巨擬仍以上下貨賦每馬抽銀一分飭奇碕牲稅局代收由李令於農隙時分派民夫酌給火食鹽菜錢文認真督修從金牛屯起至博南山止一俟路工告竣捐款即行停止不再續收諸君熱心公益想必樂於贊成也如何盼覆等因譯發去後茲據騰越永昌商會電稱東電敬悉籌修永邑道路仰見關心民瘼無時或釋所定抽收莫不樂從商會等極意贊成謹覆等情據此合行令知令到該縣即便知照此令永平縣知縣李治

省城軍政部鑒迤西各屬地方郵政尙未徧設聲息每苦難通迭據各地方官紳請予敷設以便交通經先後轉電核辦迄未准覆查滇中交通梗塞電信一時未能敷設郵使亟宜推廣擬請將迤西各屬未設郵政之處一概添設完現備各地方紳士均願自行擔認如經核准或設局或由商號代辦均可該地方官紳均願自行規畫擔任辦理費少而利大事簡而易行如何乞速核議示復以便轉飭各屬遵辦根源叩真印

省城軍政部鑒案准貴部咨開迤西應設郵政各地名及是否繁盛衝要之區查明見

覆以憑飭司照章籌設等由查迤西應設郵政處所除中甸劍川兩處希速籌設外新設之彌渡縣永昌府屬之永康州維西廳屬之阿墩子騰衝府屬之蓋達隴川猛卯遮放芒市麗江府屬之喇井或係繁盛或係邊要應請各設郵政支局一所新設之漾濞縣永昌府屬之施甸騰衝府屬之南甸干崖應請各設信櫃如何希酌核飭司辦理根源叩蒸印

興革

爲通傳事照得供張餽遺久爲官吏敝習上下相沿寢以波靡儻從所至遠近騷然長奔走之風啓苞苴之路而使經過地方胥受其擾良可慨也茲者掃除秕政力做官邪上下之交所宜開布公誠一洗虛僞之習繁文褥節悉應刪除矧此澆風尤宜禁革且本師長奉命西巡亟欲延問民間疾苦所望地方官吏紳衿及各界團體各舉吏治民生利病得失以相告幸勿自蹈敝習再事供張有以一絲一粟相餽遺者即與賄賂同科凡百執事自待人當知所處矣特傳

爲通飭遵照事照得地方公牘祇以叙明事實通達下情原不必以文字見長過於繁
縟現在大局甫定凡百建設亟待經營各屬官紳有所知不得不言有所言即須實行
總以說理明白叙事簡單爲主更不必累牘連篇拘文牽義致誤事機自今伊始除人
命重案應叙供摺詳送核辦外其一切軍事民事務須簡明顯豁據實直陳隨時可用
白紙信牋親筆行書加蓋印信函封投遞毋庸沿用舊日紅白稟細字端楷徒耗時日
致有稽遲辦事貴在核實不尚虛文何可拘拘於程式也除呈報

軍都督府外合行通飭爲此札仰該

州府廳縣

一體凜遵轉飭所屬官紳遵照毋違特札右札

迤西各屬府廳州縣鎮統領聯長協

爲曉諭事照得古今政治之異原在以國與家爲主體以故張官置吏在昔則分擅君
主之威柄而各子其民在今則執行政治之機關而受成於憲此專制共和之殊致亦
卽公人私人之分別也專制末流監制日密南北分銓官民壅隔一命之吏皆以爲民
父母自命而實無誠求保赤之心被治者欲表其尊嚴之致忽加以公祖父台之稱沿

習成風未知所始在施者既自處於卑下而受者遂日長其驕凌以致詞斥鞭笞不視若子弟而視同奴隸積怨生憤卒令官紳感情日惡而本省之於外省皆不能泯畦町之嫌所以此次義師反正各屬官紳之衝突屢見不一見也今欲蠲棄主客之見以明正名定分之規惟先將流俗所稱之公祖父台等名詞改革而糾正之然後知公義所在宜廢私稱積習相沿宜遠鄙俗如此則官民之間自有分際而情誼亦易感孚矣茲與吾父老子弟約曰今伊始凡紳商士民凡與地方官往來交際無論本省外省人氏不得再稱公祖父台之名凡府廳州縣以及佐治各職一體皆稱其官如府稱知府縣稱知縣廳稱同知通判之類無論上下之際悉以本職爲通稱抑或府稱曰府長縣稱曰縣長廳州稱曰廳州長亦可以當法制之宜而破私諛之習將來中央政府成立其典禮制度如何規定再爲頒行除呈報通飭外爲此諭仰官紳士民人等一體遵照毋違特示

爲札飭事照得此次建義撥亂反正實以掃除專制改造民國爲職志此固政治之革

命不雜種族之問題舉漢回滿蒙藏以逮沿邊苗夷諸族其生息於中國者皆中國人方當共同組織我中國統一之民族國家凡爲中國編民義利必無偏畸其各屬官吏身任地方但當問其賢否不當強生差別果屬循良之長尤爲崇獎所先茲查楚雄府崇守謙雖出滿洲久官滇土起家牧令所至有聲迨守楚雄猶有善政紳耆黎庶翕然稱之此在漢族之中猶不數覲方今整飭吏治登進賢良所宜首予旌獎以示矜式又查滿蒙諸族之間一切習尙大抵與我同化惟氏族名籍尙存別異實畛域之未除者前代編定譜牒改易胡姓所以泯種界之漏見章同文之郵治該守世長中土服習禮教應准改姓黃氏取同爲黃種之義入籍楚雄媿昔人居穎之風至該守在官廉潔自持民被其惠爲該屬士紳所共認茲既解任入籍除由本師長呈請軍都督府從優獎給銀五百兩外並由該屬自治局公同酌議撥送公產一區爲該守資生之具表地方酬報之隆用獎循良而勸來者除分行外合行札飭爲此札仰該掬即便遵照特札一札楚雄府黃守暨自治公所

省城軍都督府鈞鑒前講武堂學員文泰籍本滿洲生長滇省家多食指貧無立椎性質純良爲同儕所共信種族意見深箇人之滋疑迭次轉請援崇守之例更姓入籍復有王秉鈞蔣懷勛等代爲陳請擬請准予賜姓入昆明籍以彰同文之化如蒙允准即乞飭部牌示並行知雲南府轉飭遵照根源叩效印

爲札知事昨據太和縣三鄉紳管楊上培趙攀雲楊文佐等十八人聯名稟稱政治共和無分回漢宗教雖異信仰則同三鄉公同會議願將坐落府城響水關之三鄉公所送與回教人爲清真寺復據回紳王廷治等捐繳銀叁百兩作爲三鄉功德稟請轉發祇領各等情到本部據此查該紳等以融和漢回化除畛域願將三鄉公所送作回民寺場具徵明白大義公顧同胞王廷治等亦力捐巨金以報功德皆屬酌理準情泯除舊日嫌隙本總司令深爲嘉慰因念三鄉紳士送此公所日後到城辦公不能不會集一地方以資歸宿因指定太和縣教諭廢署一所撥與三鄉永爲公產即將王廷治所捐銀兩發交三鄉人具文祇領以爲修理之資惟不得於縣學文廟地基稍有侵佔從

此同居里閭不分教門咸敦任卹之風各知守望之義是則本總司令所共貴仰者也
除批飭該紳管遵照外合行札知爲此札仰太和全體回教紳管一體遵照毋違特札
札太和全體回教紳管楊慶華金汝光馬德貴馬龍章

爲轉札遵照事元年正月二十六日奉軍都督府行開案據該師長電呈據中學堂監
督由雲龍稟稱九月初四川甯遠土匪張耀堂圍攻郡城先母李氏年六十七見事急
於九月七日以藥殉今葬期將近倘蒙轉電軍府得我新中國一命之褒存歿俱感等
情查該監督之母守節多年臨難復以身殉貞操義烈洵屬可風請酌予褒揚以風巾
幘並乞速飭核議示復以便飭知等情轉請前來當即飭由登庸局核議具覆旋具覆
稱查該由李氏籍隸滇西僑居蜀北多年守節志勵柏舟閭境稱賢垂訓荻畫方慶家
山光復常懷恤緯之心忽驚寇盜披猖遂殉磨笄之節宜崇褒典用示旌揚擬請鈞賜
匾額准予在籍建坊以式鄉閭並飭由紳雲龍詳具伊故母行述備志史乘而樹女型
是否有當伏候鑒示施行等由據此應即如議辦理賜予賢節可風四字除飭登庸局

註冊外仰該師長即便轉飭遵照此行計發扁額四字印花一顆等因奉此合亟行知爲此札仰該守即便遵照恭書匾額在籍建坊並詳具故母行述呈送軍都督府以備採入志乘可也特札計發扁額印花一顆札永昌府由守准此

一件據騰越高等學生田正喜稟請賞給伊母守節匾額由

據呈該生之母馬氏守節多年奉親教子志矢冰霜洵屬可敬茲特給予畫荻風高匾額一方以式鄉閭印花銜條著即來部領取可也

爲剴切勸諭事照得去逆效順者人心所同然撥亂反正者改革之宗旨此次興師建義實合二十二行省諸同志雷霆擊風起雲湧排除滿清光復故物建立民國布政共和固爲各省之哥老三點大刀等會公認爲異流同源也查哥老等會之緣起實肇自明末之鄭成功不甘以異族蹂躪中原故以結盟拜會倡義集合冀圖恢復事雖未濟而義聲曼衍深入人心久之而有川楚之役又久之而林清洪秀全張總愚輩後先繼武類能招攬豪俊崛起紛爭推原其心皆不願受滿清之羈勒咸思起而代之維時

每藉結義弟兄拜會糾集不幸屢起屢躓竟爾賈恨以終雖歸於人謀之不臧而其聯合同黨翦滅胡人之心固未可湮沒也本總司令撫今追昔甚後懲前故於歸自東瀛參預軍事亦即號召同志以期同心戮力克迪前光今幸天運絕胡人心思漢義師颯舉多士雲從排滿之志願已償光復之目的已達蒼山翠海掃盡逆氛金馬碧鷄煥茲壯采凡我滇人自必歡欣鼓舞共盡國民之義務增我祖國之光榮從前所磅礴鬱積不克展布者現已發揚蹈厲可傾心吐胆而行之更何事有秘密之舉動而再結盟拜會自相疑貳耶且既立共和國應取大同主義無所用其競爭若更以拜會分立黨徒則心迹不見光明情意未免隔閡設或有人用間以謀我恐鬩牆者不爲禦侮同胞轉爲仇敵矣而况夫人類不齊薰蕕難辨倘有行爲不正妨害治安者能不爲社會之公敵而執法相繩耶本總司令前本極力贊成此舉然而揆時度勢有不得不爲吾黨正告者拜會之手續實爲排滿之機關在昔日爲有病之呻吟在今日則爲無病之狂易愛國家者必能力顧大局解散而廓清之若再沿習舊日之名詞堅執舊日之主義

是必惜於時務見解不同抑或別有所圖宗旨不合本總司令有維持治安之責斷不能不籌對待之方公義所在國法無私與其貽悔於事後而貽團體羞何如改悟於幾先爲大局計乎爲此出示勸諭諸色人等知悉須知秘密結社集會必有與爲敵者而後協以謀之茲國仇已復民賊已除更無構難時期漸享自由幸福此後宜抱持民國主義各思同仇敵愾以與異己者周旋切勿自相猜嫌仍沿拜會之舊習自出示之日起凡以前所有各會名目一概取消所賣之自治同志會等票紙尅日自行消燬斷不可再執意見以便私圖慎省地方邊瘠凡所建設來日大難吾人併力經營尙恐瞠乎其後而豈可同行異趣暗生阻力耶本總司令開誠布公苦口勸導明白事理者當能默喻苦衷也其各遵照勿違特示

爲出示曉諭事案據自治團體會代表鍾湘藻等呈稱窃代表等前因大理反正之初人心驚疑誠恐無知愚民妄聽謠言致滋紛擾爰集同志發起自治團體會冀以宣布大義解釋羣疑保守秩序維持公安現在大局平定疑慮咸消舉凡一切保安事宜自

有行政機關專司其責同志等心願已達義務已盡如尙存留此會非惟於義無取兼恐人類不一致有假借名義逾越範圍之事甚或玷名譽而負初心轉非同志等最初發起之宗旨理合呈請將此會取銷並懇出示曉諭俾衆周知等情據此查該代表等當羣情疑懼之初爲一時維持之計亦自具有苦心現在大局又安百慮一致海內閔哲君子日持革命軍起革命黨銷之言以詔於衆用期泯除黨見歸於大同該會自無庸存此虛名以絕流弊且自治之名與地方自治名稱相淆亦多未合茲據呈請取銷實屬深明大義自應准如所請將自治團體會即行取銷除批示外合亟出示曉諭爲此示仰各屬軍民諸色人等一體遵照自此次取銷以後無論以前曾否入自治團體會者均不得借該會名目滋生事端一切人等亦不得誤會此意藉他人會入此會爲口實以行其挾嫌陷害之私如有違玩不遵定即按律嚴行懲辦不能爲之貸也懍之慎之切切毋違特示

呈竊查榆城去年九月反正以來無論紳商學界往往託名自治并以稽查匪類保衛

地方爲詞各結團體開立公口各會名義則有義字復興公口禮字川雲公口同協公口同心公口實則哥老舉動大害地方安甯當經出示勸禁立即解除適奉鈞府頒發開公口山堂懲治律八條誠恐遐邇未能週知又經照抄多張遍貼曉諭復經諭飭榆代理第七聯長繆嘉壽妥爲宣佈切實勸導各種公口均皆遵照取銷一律解散所有各公口會內圖記票紙除已自行焚燬外並據繳到迤西自治會引九十八本同興公聯二票二十七本迤西自治會總局圖記壹顆暨各項總理代表小圖記四顆均由繆聯長取具各公口遵示解散甘結三張一併呈送前來除將甘結備案並將會引會票圖書咨送軍政部核明塗銷外所有榆城各會公口一律解散緣由理合呈報鈞府俯賜查考此呈

呈窃照設立公口實爲盜賊社會若不嚴爲禁止何以保衛公安迤西幅員遼闊良莠不齊反正以還開山設堂燒香拜會之風尤爲倡熾曾經剴切示諭勸導禁止復派委員密查宣布解除先後解散多起并據繳呈會引會票圖記名片詩箋各件均已呈報

各在案茲續據代理第七聯長繆嘉壽報告現又勸諭解散強華公口一起並據自繆強華公名戳及大小方條木質圖記共十九顆敢死會序則一本強華公名片暨票布各一束轉呈前來除咨繳軍政部核明銷燬外所有續行解散強華公口緣由理合呈報鈞府俯賜查攷爲此呈乞照驗施行此呈都督

呈前據代理第七聯長繆嘉壽解散大理各會公口如復興川雲同協同心等會並將該公口繳到會引會票圖記曾經呈報在案茲續據繆聯長報告又取銷威勇公會公口並據該會繳到威勇公名片及大漢定國山詩箋各一束又鐵血主義同德一心尙武精神小方圖記共三顆前來除咨送軍政部查核外所有續將迤西威勇公口取銷解散緣由理合呈報鈞府俯賜查考爲此具呈照驗施行此呈都督

照得女子治家與男子有分負之責任兩足健步合兩手爲行動之機關天生固屬自然人道豈容矯強彼夫生而跛踈猶致憾於天刑罪有別黥且願貸以國法亦安有甘受苦痛衆相效尤如我中國女子纏足之惡習哉夫肢體求其健全保衛猶恐不力而

乃故事束縛注意損傷此其爲害者一女子身係姪育體健乃誕壯兒今乃束其筋骸
滯其血脈所生子女豈復壯強此其爲害者二女子宜勤家事饗饋攸尸級針待脯乃
以織足婷婷不能兼營庶役此其爲害者三女子宜求學問家庭教育母訓實資乃以
求學之年困於纏裹之事學問不成教子無望此其爲害者四女子侍奉翁姑孝敬是
其職務如徒簪履裝飾列屋閑居必至滌灑難供有虧孝敬此其爲害者五競爭時代
生活爲難併力兼營猶虞不給女足包纏大半坐食不能生利此其爲害者六全球公
理男女平權男子非貴女子非賤若使纏足女權遂弱但資男權不能立國此其爲害
者七女子之德在於貞靜若以裹足爲美是云冶容誨淫大失本貞其何能淑此其爲
害者八有此八害並無一利而乃不辭痛楚甘作殘廢數千年之社會遺此巫風二萬
萬之女流沉於苦海緬彼閨秀有何罪辜屬在同胞能無憫惻今者掃專制之淫威造
自由之不業所宜競爭天演尊重人權本總司令巡視西陲尤以改革政治挽救風俗
爲當務之急凡諸稅政悉已更張矧此頽風尤宜挽救若不亟加滌滌其何以增長國

力而保衛民生合亟出示勸導嚴申禁令自後境內幼女人數及纏足與否著由各府廳州縣會同自治公所委員按年於清查期內詳細注名戶冊除十二歲以上之婦女有能自解縛束先事倡導者由地方官優加獎勵其不能解放之人亦念其年紀較長解放較難應免追究外其在十二歲以下之女子經此次告諭便當立即解放勿再纏束若其不遵禁令仍行纏足者應即查明罰令該家長出銀伍拾兩頭年處罰之後次年清查之時有仍不湔改者一經查明著從重加倍罰銀壹百兩以示嚴懲餘依年限照推此項罰款銀兩即責成警察認真催收交由地方自治局以三之二作為各地方辦理女子學堂經費以三之一提充該屬警察經費除飭地方官紳妥擬清查辦法呈候核定頒行並通飭告諭外爲此示諭一切人等知悉自明年二月初一日爲第一次清查之期以後每年按期清查一次務將此不良習慣湔除淨盡庶足以正風化而弼女教該地方官紳警察尤不得藉清查爲名稍涉滋擾若有需索搯詐情弊一經查覺告發定行從嚴懲究決不姑寬切切毋違特示

爲嚴禁事在昔人道尙稱真理未明爰假神天以行治化命討則託言天帝造化則歸功鬼神只以神權時代苟不如此立論則上焉無以格君心下焉無以定民志先哲立言初非無義至如佛氏因果輪迴之說乃爲愚氓說法設爲寓言以儆邪念其理雖誕其心可原然而斐洲祭神印度佞佛爲世淘汰淪國爲墟明達之士聰穎之民豈尙可沿訛襲故蹈其覆轍哉泰西各國早以物質文明震鑠寰宇雷電儘供驅使風雨不事禱祈科學發明迷團頓破雖以婦孺識具普通嗟我中國一般人民迷信猶存真理未澈供奉神佛備極奢侈迎神賽會車蓋塞塗家設牲儀戶供齋饌甚且建壇誦經競陳百戲數村迎送萬衆擁擠宵小乘間混入會場呼茶肆傲酌酒逞毆晝或賭博夜乃盜竊種種怪象不可殫述夫以土木偶形豈能爲人禍福而乃焚燒香紙花費金錢近年以來辦理地方公益苦于無款可籌而言及接神奉佛則人人願傾巨金用情顛倒抑至于斯人民之愚良可浩歎本總司令奉命西巡凡以革舊時之腐政進社會于文明念此黷神之俗殊爲蠹國之尤允宜革除以崇人道至于男巫女巫如流俗所稱端公

詞孃等類更屬妖言誠行惑世誣民其歛錢近于恐嚇取財其騙人不啻魔蠱毒法律所禁罪有明條尤應掃除而禁絕之以正人心而維風俗除札飭地方官及各自治局紳照示辦理禁止外合亟出示曉諭自今伊始凡各地城鄉先聖先賢仍依典禮以昭虔祀至于無稽淫祀迎神賽會禮斗朝真及一切迷信等事一律從嚴禁止其所存之香資會費或爲租產或係募捐應著地方官紳調查明確悉將其歛移爲辦學警實業經費其男巫女巫端公詞孃等類責令各營別項生業不得再假神道蠱惑人民如敢違抗不遵即照妖言惑衆律立予正法嗣後如有迎神賽會聚衆歛錢以及朝真禮斗跪拜燒香等事一經查悉男子則嚴行究罰婦人則罪坐夫男法在必行決不寬貸此皆人心風俗之害必蕩滌此瑕穢而後人人不作無益之事不費無用之財行見教育普及知識愈開人事發皇國基乃固本總司令實有厚望焉特示

我中國人最沈溺不悟的事 就是迷信神權 甚麼叫是神權呢 就是說鬼神可以賜人福祿 可以給人禍害了 這等迷信 外省雖多 依我看起來 總不如

我們雲南迷得利害 你看雲南地方 八十幾州縣 家家戶戶 那一家不供天地牌 那一家不供灶君財神呢 其中也有人知道供了無道理的 只爲染成習慣 大家將錯就錯 明知故犯 竟自與那些迷信神權的 仍是一般見識 本師長替你們想 實在供了無道理 又恐怕愚民不知道 不能不把天地君親師的名目 全這灶神財神的虛妄詳細告送你們 爲甚麼供了無道理呢 世上的人都說天上是有天堂 有許多神聖 地下是有地獄 人死了要到地獄受罪 故把天地敬重的了不得 說到皇帝 又說是受他水土之恩 平白的就拿他來與父母師傅一般敬重 又說到灶神察人善惡 每月三十日 奏了玉皇 或降福祿給他們 或降災殃給他們 這財神菩薩 是能保佑人發財的 故此把他一總都供在堂上 這可不是錯了嗎 你們知道天是甚麼呢 天不過是一股空氣 這些日月星辰 都是懸在虛空裏頭 那裏有甚麼天堂 地又是甚麼呢 地是水土石三樣湊成的 每日在空中轉來轉去 如一個繡球 那裏有甚麼地

獄 若說到皇帝 從前原是有 卽如我祖軒轅皇帝 堯舜禹湯 周武王
漢武帝 唐太宗 明朝洪武皇帝 算是把百姓做個些事 其餘那些 不過是
橫征暴斂 錦衣玉食 吸百姓的脂膏 供他一姓的受用 因專制的很 百姓
受虐不過 所以上纔有刀兵 纔有殺戮 過幾百年 或是幾十年 必定改換
朝代 現在推翻了專制政體 鑄造共和國 國家原是人人公共的 就是代
表國家的大總統 原是與百姓一樣的 他不是君 我們也不是臣 這君臣兩
字 是永遠消滅的了 若不從速除去 豈不是大悖謬嗎 至於父母 生前是
該孝養 身後是該供祀的 但是木本水源 父母之上 還有高曾 高曾之上
還有所自出 做子孫的 難道只知道有父母 高曾祖考就可以不問了麼
慎終追遠 難道只知道供父母 高曾祖考就可以不供了麼 士祭其先 究
非一親字概括了的 這一字的標題也不妥當 至於師傅 在古義說民生於三
教我之恩原與生我並重 但是從前教育 責在鄉里之師儒 現世教育 視

爲國家之義務 隆替已不相同 就說道師嚴道尊 傳道授業解惑之師 也與
句讀童子之師有別 况在尊師重道一方面 古禮云鄉先生歿而祀於社 又云
釋菜於先聖先師 就是足當經師人師爲社會尊崇的 也要供在如今的鄉賢祠
內 要上學時纔行禮的 也從沒有拿來天天供在家中的道理 至於家中有灶
只是一堆土 幾塊石頭 有甚麼神在他上 若要想發財 只要講究農工商
賈 不要吹煙賭錢吃酒 不要在外游蕩 自然有發財的日子 你們看那有錢
的人 那一個不是勤苦得來的 是財神保佑的嗎 這樣看來 可知天地君親
師這個名稱 實在不倫不類 灶神財神 更是荒誕無稽了 考之古今的祀典
合乎人道的精意 人人該祀奉的 只有歷代祖宗的神主 可以使子孫世世
起報本返始之心 明種族統系之義 至於古禮難行 原不必盡反習慣 但是
燒包燒金銀錢紙 最無味的 從今以後 大家聽本師長的話 將家中的天地
君親師 同那灶神財神的牌位 一概消滅 專供祖宗神主 把從前的迷信

永遠破壞了 他不要今日求神 明日拜佛 耽誤了多少有益的工夫 這裏供
三牲 那裏燒紙錢 枉費了多少有用的錢文 大家破除神權講求道德 實事
求是 以進於中華民國國民完全的資格 實爲本師長莫大的希望 其各勉之
特諭

省城軍都督府鈞鑒 頒歷授時所以紀歲現在歷法未定榆城竟有以宣統五年時憲
書出售者雖非故奉滿清正朔實足以搖惑觀聽擬請改用中華紀元通諭頒行俾暫
有所遵守俟中央歷法定後再飭奉行當否乞飭軍政部核辦示復師長根源叩佳印
爲嚴禁事照得鴉片之害盡人皆知所以不能禁除淨盡者固由吸者之戒心不堅亦
由無嚴法以繼之故人皆玩忽而不知做畏且烟販烟館流毒浸淫吸者恃有私售而
相緣爲奸販者冀攫重金而因利乘便禍根不去勢且蔓延自非嚴峻掃除不足以清
遺孽本總司令前經示禁種烟有違犯從嚴懲辦然倘無吸者販者雖種亦無銷路當
不禁而自絕故必於吸烟販烟之人芟其本根而後可以淨盡爲此嚴行示諭諸色人

等知悉有敢吸鴉片者無論官紳商庶一經查獲試驗屬實即割耳以示儆懲有敢私開烟館私販烟土者經地方官紳查明拏獲立即稟照軍法從事決不寬貸爾等須知禁烟功令當此改革之際尤必格外加嚴如其烟癮未除因無處可以逋逃亦不能苟延旦夕自罹剝削之辱必致面目貽羞若彼烟館烟販害人害己維利是圖則惟予以顯戮方足以昭懲創此非從前犯法一打一罰可以了事慎勿嘗試各宜凜遵切切特示

爲出示曉諭事照得賭博之害小則廢時失業大則負債破產及其甚也或因鬪毆而釀人命成因貧窘而爲盜賊爲害之烈莫此爲甚本師長巡視至榆卽已出示嚴行禁止聲明犯在必予重懲乃竟有民人張得勝周宗胡齊劉玉清趙雲升李玉等故違禁令開場聚賭經施中隊長拿獲送營實屬愆不畏法除飭立予割耳以示懲儆外合再剴切示諭仰軍民人等一體知悉以後務須互相勸勉時以賭徒張得勝等諸人爲戒如敢不悛一經拿獲懲治之法亦如之決不稍從寬貸勿謂言之不先也凜之切切特

示

一件據法政畢業生趙舒穎上意見書由

來書閱悉行政官廳兼筦司法此本舊制而非憲法所宜有今乃欲於自治局內增一民刑訴訟檢察員是又以地方自治而參預司法權矣姑勿論於法理未合於事寔不便而已將司法權支分節解渙散而無所統一其紛擾也孰甚前此倡言變法即坐不循其本枝枝節節而爲之要其終迄無一當故識者謂司法機關非進于憲政時代不能完全當茲軍政時代貴簡捷而忌紛更來書所言意在補苴誠非無見而審時度勢事有難行末言改良稅則調查產業事關立法尤與司法不合豈抑別有所見歟此諭

一件據太和南區老民李竹等稟爲權紳把持民不聊生歷陳下情伏乞拯救以

出水火事由

稟悉紳首假公濟私誠不能保其必無然如糶積谷造戶籍送學生或每次耗谷數石或每戶派錢數文卽有不實不盡尙屬過之小者此次當改革之際辦團防匪各鄉皆

然既未動用公款勢必出於攤派特該紳等未將攤款罰款寔用寔銷數目算明張貼
宣布故該民等不免懷疑耳本總司令看待紳民俱屬平等紳士中有鉅奸大猾却款
勒捐者一經覺察無不予以重懲想我父老子弟無不聞知然毛舉細故或進叙以前
之事或力陳微末之愆開攻訐之門啟仇讎之隙則又非本總司令所望於父老子弟
者也勉聽斯言毋再填瀆此諭

麗江姚知府劍川張知州覽劍城篠日被回祿至九十餘家深堪憫惻當卽電請軍府
撥該州倉谷二百石以爲賑恤頃准軍政部感電開馬電悉劍災同深憫惻越老好義
佩甚所請撥劍邑倉谷二百石分別賑卹如數照准祈卽電飭該府州分別極貧次貧
妥爲散放造冊報查除行司外謹覆等由希卽查照分別辦理勿使被災之民流離失
所是爲至要總司令部勒印

照得永郡龍泉門外之湧珠泉爲郡中名勝其在龍王廟周圍二十丈以內及石塔脚
附近一帶地方無論公地私地不准再行埋葬墳墓以及掘取土塊由府勒石禁止違

則照盜葬律從重治罪其從前已葬者不必遷動以免紛擾爲此示仰諸色人等一體知悉切切勿違特示

爲命令事照得米穀爲民食所必需出口爲法律所應禁騰越附廓一帶田地甚少所產米穀不敷食用向望各司練之米運城銷售以資接濟茲訪聞不肖奸商私行販運出口以趨微利並不計及地方殊堪痛恨合亟命令仰該委員管帶遵照會同出示曉諭一面遣派弁兵嚴密梭巡如有奸商販運米穀出口迅卽拏案究懲並將所運之米穀全數充公稟報查考切切此令右命令蓋達彈壓委員黎民藩西防國民軍第十一營管帶劉品三

照得司法機關不可凌轢訴訟秩序不可紊亂本總司令此次西巡原以我父老子弟處專制之日久受束縛之日深地方有司仁愛循良者固不乏人貪墨庸酷者亦所在多有犴狴多夜哭之鬼縲紲有含冤之人加以劣紳土豪乘改革之初逞虎狼之勢睚眦小怨仇殺相尋視法律如弁髦以生命爲草芥縱意所爲罔知儆懲故凡有遞訴狀

者勿論巨細概行收閱詳加披覽隨時讞訊立予判決蓋欲以祛鋸蔽而通睽隔申冤抑而彰法紀今幸吏治澄清奸邪屏息司法之權付諸有司本部自舊歷四月初十日起所有民刑訴訟概不受理合行牌示爲此仰諸色人等一體知悉凡因民刑事件構訟者仍赴該管地方官衙門呈告其不服該管地方官判決者准赴該管上級官廳報告不得直接來轅致干駁斥惟更有爲諸父老子弟告者既爲共和國之人民宜造共和國民之資格務望息雀鼠之爭免鬪墻之傷父勸兄勉改過遷善勿好健訟而長瀉風是則本總司令所深幸而切禱者也切切特牌

騰衝李鎮台黃護道暨自治公所商務分會鑒頃聞騰城米價高昂深爲焦灼其原因一由於富戶視爲奇貨屯集待價者甚衆一由於奸商視爲利藪運輸出口者日多亟宜認真清查嚴密緝拿以平市價各處存谷富戶如玉心廣劉開信姜兆渭劉官璧陳文睿許錫羅猛等卽希派員調查除該民等每年自食外餘均酌定價目飭運照價售賣若有抗違不遵及擅行增價者卽行充公並加懲辦仍出示通諭各練凡存谷巨戶

迅速剋日運出售賣勿再隱匿致咎出口要道由貴鎮分飭各防營弁認真稽查拿獲私運者除米馬充公外並從重懲治爲盼根源感印

刑法

出示曉諭事案據廣通縣知縣黃令培齡面稟該縣門丁斯榮遇案婪贓無惡不作解送到轅稟請懲辦前來當經傳訊供認遇案索詐不諱此等著名衙蠹若不亟予懲辦曷足以伸法紀而儆效尤當將該犯斯榮立予就地正法并查抄家產充辦地方公益以爲詐贓蠹民者戒查迤西各屬廳州縣恐不免有縱任門丁藉案搯索者經此次懲一儆百應各自知凜懼嚴行約束如有違法據控到案定照軍法從事決不寬貸爲此通行示諭諸色人等一體凜遵切切特示

爲出示曉諭事照得反正之初卽經通飭各屬文武官吏暨地方紳士團首等諄諄以維持秩序保衛公安爲第一要義其有破壞公益擾亂治安以及擅取公款畏罪逃脫情事一經查拿到案立予明正典刑禁令至爲森嚴凡地方官紳團首應咸曉然於軍

府靖亂保民之意自知凜懼乃查有前帶保山團勇都司杜育當宣告反正之後擅發保惠倉積谷一空復鈎結管帶羅長庚威脅自治局紳魏上暹出具字據強取厘局存欸銀七千元又復布散謠言聲稱將搜括地方富戶及各商號以致合城驚惶紛紛遷徙幾釀變故嗣後携帶槍械數十件私自逃匿迭據保山自治公所紳等聯名公電稟請拿辦前來當經派員沿途訪拿旋据雲南驛普棚一帶偵查員報稱杜育由該處經過尙敢假本總司令名色逢人招搖等語登即加派員兵距蹤緝拏獲到案訊据供認前情不諱查該杜育躬帶團勇有保衛地方之責乃敢乘勢擾害鈎結劣管威逼局紳擅發倉儲攫取鉅欸驚擾市民携械逃匿種種不法行爲已爲法所難追乃復不知斂迹潛途招搖以爲身係職紳可倖以逃法網詎知贖貨殃民無論官紳均難曲宥况該杜育罪大惡極斷不能稍予姑容曾經電商迤西巡按使趙得復卽行就地正法以招炯戒而快人心爲此通行示諭各屬官紳團甲諸色人等知悉本總司令巡行邊境專在詰奸除暴綏邊靖民該地方紳團務各自愛恪守法紀如敢任意妄爲貽害桑梓

吞蝕公款魚肉鄉民一經查覺或被告發定即查照軍法從事決不姑寬各宜凜遵勿違特示

爲曉諭事照得地方自治公所以致治而非所以肇亂局紳團紳職在保民而非所以殃民茲竟有永北匪紳黎元和假自治機關之名逼官交印勒捐廳員銀式千兩釐員銀叁百元霸收錢糧稅課脅奪軍械文牘并主使其黨羽劫獄縱囚戕殺舉人彭湘家十三命又於金江街焚却樂開元家殺其胞弟支解投江放火沿燒數十戶劫掠無算乃自殺其黨胡廣華以爲掩飾又殺劉官約民劉成祖劉治成劉潤三陽俊等四命不知姓名一命皆懸首於期納街又糾夥燒殺黑早郎及大石椿兩村良民雞犬不留又抄搶江外花坪村王士紫杆村楊興發楊彬三家村灣甸胡老五等家共殺死六人傷者數人復套哄高長佑准其復奪土職種種不法萬難姑容查該犯在永出有告示內稱官權改歸自治斬殺自我組成二語其敗法亂紀主使仇殺之罪已自流露復敢謾電永北同鄉會代登省報淆亂是非迹其居心叵測胆大妄爲必欲推倒地方官而後

可斬殺自由恣縱其劫掠財產之意行爲甚於盜賊而價冒文明仇怨報於睚眦而貽禍桑梓就令非其主使而既管理自治機關卽有維持地方責任何得一味庇縱任令其黨羽殺人放火劫財而懵然不知况復攘奪官權屢據事主具報竟自不聞不問謂非同謀其誰信耶昨經本巡按使據控飭查本總司令復派人偵查屬實於本月初二日夜在榆城拏獲該犯隨帶有書記饒爾康一名團兵十四名防勇四名携帶槍碼多件同行有土司子成之姪子樹仁均一併提案飭審該犯先猶狡供經提饒爾康隔別訊明對面抵質始各供認前情不偉似此肇亂殃民擾害治安實屬罪無可原當即電報軍都督府立予正法以伸顯戮而快人心饒爾康從匪助惡法所不宥亦即處斬以昭炯戒高長佑先已來榆同時查獲訊無同謀知情惟供求過黎匪准予復奪土職子樹仁與黎匪同行形迹可疑均應暫行監禁團兵防勇訊係無辜且均由黎匪迫脅而來應卽各予省釋交鶴慶丁鎮帶回永北無任逗留此皆該犯黎元和自作之孽罪不容誅合將所犯罪狀明白宣示爲此曉諭諸色人等知悉當茲新政施行百端待理地

方官紳各有辦事權限不得假官以抑紳亦不得藉紳以欺官更不得庇縱團丁玩法滋事污辱自治之名稱破壞自治之事體如敢故違定卽分別嚴懲決不姑寬凜之愼之勿違特示

爲密札拿辦事照得該廳匪紳黎元和假自治機關之名脅官交印逼勒捐錢勒收錢糧稅課強奪軍械文牘并主使其黨羽譚堯譚志南胡墀楊錫黎名秀何哲江楊起和等戕殺舉人彭湘家十三命縱令葉華林之子葉某刼獄釋囚又於金江焚刼樂開元家殺其胞弟支解投江放火沿燒數十戶刼掠無算乃譚志南自殺其黨胡廣華以爲掩飾又同譚志南等刼殺劉官約民劉成祖劉治成劉閏三湯俊等四命及不知姓名人一命皆懸首於期納街又糾約土司子樹德燒殺黑早郎及大石椿兩村良民雞犬不留又抄搶江外花坪村王士紫扞村楊興發楊彬三家村灣甸胡老五等家共殺死六人傷者數人復套哄高長佑准其復奪土職種種不法萬難姑容昨經本巡按使據控飭查復由本總司令派人偵查屬實於榆城拿獲訊供自認前情不諱當將該匪紳

黎元和及其助惡從匪之書記饒爾康宣示罪狀一併正法併呈報軍都督府復通行示諭各屬凜遵各在案查該匪紳所供焚殺劫掠之黨羽有譚堯即譚坤譚志南胡墀楊錫黎名秀何哲仁楊起和子樹德等八人其中以譚堯即譚坤及譚志南子樹德三人最爲兇狠屢犯劫殺罪不容誅又有葉華林之子葉某劫獄不法已獲在監均應按名提訊明確從嚴稟候懲辦其胡墀楊錫黎名秀何哲仁楊起和等一併嚴拿集訊如果果有從匪劫殺情事亦卽稟明重懲倘其所供或係誣報或情可原務須悉心研鞫錄取確供分別稟辦萬不可稍執成見致有冤濫執法固極森嚴行法必期至當該匪紳黨羽法所不宥有犯必懲如可稍從寬典固不必悉予駢戮也爲此札仰該廳遵照札內所開各節妥爲嚴密辦理仍先將奉札日期具覆毋違特札札永北廳舒嘉獻爲出示曉諭事照得盜賊爲害小而偷竊大而搶劫被其害者多或數家久或數年然民得而控之團得而拿之地方文武得而協緝懲治之必至無藏身之地濫紳蠹書其技足以自蔽其勢足以凌人根深蒂固黨羽衆多非密查不能悉其奸非訪拿不能得

其渠苟不速加以誅鋤其遺害必甚於盜賊本師長此次奉命率師西巡如廣通之蠹
丁斯榮永昌永北之劣紳杜育黎元和一經拿獲無不立置重典行至雲南驛地方復
經訪聞蒙化三約人徐之英徐之珖弟兄自滿清光緒二十年來卽頻年侵吞公款搯
詐鄉愚屢被紳民控告院司實屬積案纍纍之瑛曾被斥革監禁脫法仍怙惡不悛此
次反正復與其弟之珖於九月二十二日聚衆開會勾結蒙化土匪潛謀不軌居民驚
徙一空後又借辦團爲名霸收學租八百石惡跡昭著人人側目當派員密查屬實至
榆後分札蒙化趙州雲南各廳州縣嚴密協拿尙未就獲適本師長率師西上之珖逃
匿下關經營隊偵獲拿送行轅當經提訊並傳原告董之用阮南昌面予對質據供各
情不諱實屬巨奸大猾罪不容誅當飭在軍前正法蒙化士民之在關者聞之無不額
手稱慶徵諸今日人心之快足見平時飲恨之深除再飭嚴緝徐之瑛獲日從重懲辦
外合亟出示將罪狀宣布爲此示仰各色人等一體知悉須知惡不可作法不能逃其
自知有過者務卽改過自新自問無過者務必束身自愛若執迷不悟甘心爲盜賊之

行則本師長將以治盜賊之法治之矣殷鑒不遠其各凜之切切特示

省城軍都督府鈞鑒李德沛之弟德增爲伊兄回騰接眷沿途招搖經源訪聞電飭曲
硃永昌查緝並請將李德沛撤差發交審判局訊辦已於巧日電陳奉電復准在案昨
晚行抵曲硃李德增已被黃鑑峯拿獲覆加查訪該李德增在途招搖稱奉軍府命令
到騰與張紹三聯絡並假軍府編修官名目勒派沿途地方差團護送舉止荒謬大違
法紀本應稟請重懲姑念該生曾肄業師範此次雖屬招搖尙無搯索情節擬請從寬
發交永平縣監禁四年滿日再罰充苦工六年以示懲儆其兄德沛前因犯賄監禁釋
放此次源在軍政部用爲二等編修在稍知自愛者必能痛改前非力圖晚蓋乃聞其
私受耿保燻葉如桐賄賂多金並出重金買妾住於永昌同鄉會公所上房彼本窶人
居然暴富跡其行爲受賄之說更屬有因李德增年祇廿餘狂妄如此蓋亦其兄所使
以爲足恃律重主謀李德沛之罪更浮於李德增並請飭軍政部轉飭審判局卽提李
德沛審訊從重治罪以爲怙惡不悛者戒是否仍核銜候辦理示遵師長根源叩養印

爲札行飭知事案據騰屬紳商學界余吉孚番迎恩等公呈懇恩賞格准外詳請垂憐
赦釋一案當經批示查該生李德增前爲伊兄因案正法之李德沛回騰接眷捏稱奉
軍都督府命令在途招搖並假編修官名目勒派沿途地方差團護送似此大干法紀
本應拿獲立予正法姑念該生曾肄業師範此次招搖尙無敲搥情事當經電稟奉軍
府批飭從寬發交永平縣監禁四年滿日再罰充苦工六年以示儆懲在案茲據公呈
請釋前來查該生李德增違法招搖實屬罪無可逭現在僅予監禁已係法外施仁所
請萬難照准且該生兄弟所行如此尤學校之敗類而重貽鄉里之羞匪惟法所難寬
抑亦我父兄子弟所共棄來稟稱該生質地尙佳則今日之作奸犯科敗名蕩檢未始
非兄弟之間濡染日深遂習於爲惡而不之覺茲者置身岸獄使知惡不可以苟作法
不可以倖逃或能啓發善心懲創惡念是頌繫之中卽改過之地也今罪名已定十年
守法不及一月一旦遽行釋放不特本總司令執法之人不能以意出入卽令果如所
請使狃於此日之倖免以爲犯法甚易脫法無難將益無所忌憚其不至再蹈李德沛

之覆轍不止該生父母於今日切倚閭之思則平日當嚴過庭之訓乃以子女婚嫁之私至欲枉三尺而曲爲之恕不已難乎惟該生尙有未娶之妻在室若令待至十年實非人情之至况女子未嫁而爲之守在昔賢比於私奔既違禮經尤悖人道而該生自罹罪罟鄉黨所棄既非兩姓之好何取十年之貞仰候札飭騰衝府及自治局轉飭該生岳家聽其擇婿另字李德增父母家族及該生等不得留難如敢不遵定卽提案重懲不貸此批等因除印發外合亟札知爲此札仰該府知照迅卽

局

轉飭

該犯家屬及其

岳家一體遵照辦理特札右札騰衝府知府騰衝自治局准此

令飭密拿事照得囊宋關張正茂九保街白金山二名均係素行不法積惡棍徒騰郡反正之始卽欲乘機肇亂尤屬罪無可逭仰該府卽便遵照簽差前往嚴密捕拿到案以憑懲辦無任漏網切切此令騰衝府

令密拏事查得鄧川州著名匪黨侯金山楊作霖高岐山施玉清沈老三杜德勝楊濟清之子楊保壽等素在鄉里搶擄姦淫無惡不作又有段哨長藉事搶掠朋比爲奸似

此擾亂治安大爲地方之害亟應嚴密緝辦以除稔惡爲此令仰魏克承楊恩誠等知悉令到迅卽不動聲色按名查拏獲案訊辦如敢逞強拒捕准其格殺勿論每拏獲一名賞給花紅銀拾元以示獎勵該生等務須偵查明確不得稍涉寬濫是爲至要仍卽將奉令辦理情形據實報查此令魏楊兩紳並行鄧川州

一件永北直隸同知舒嘉猷呈覆遵批查辦順州民人馮國珍具呈子土司子樹仁等糾匪燒殺搶擄黑早郎大石磚等村一案由

呈悉查此案前據該廳呈稱據順州民人馮占甲等具控子承子建樹等焚殺搶擄緝獲子建樹子三太安子璋子蔚等訊據供認夥同在逃之子榮子瓊子炳林子文柱子玉金子保廷子藍子雲山子滿及史朝甲王鳳儀等暨不知姓名共六七十人燒搶黑早郎等村住民得贓子三太安自認用刀殺斃馮瑞廷各等情是此案事主原主控者爲子承子建樹獲案訊供在場燒殺搶掠者爲子建樹子三太安子璋子蔚等四人及在逃未獲之子榮等十一人於子樹仁一犯并未指供有名該廳又謂子承年老昏

憤其子子樹德主持舍事亦未提及子樹仁卽黎元和從前所供亦祇有子樹德并無子樹仁該廳因馮占甲牽連具控遂呈提子樹仁歸案質訊固是正辦特細核案情寔係子建樹等挾爭山場之嫌夥同子樹德藉土司子承之威糾結焚殺劫財報復子樹仁係一年幼無知之學生似不至有主謀之事該事主馮占甲等原呈并未提及子樹仁迨來轅具呈見其因案被禁遂卽添控及之茲爲前後參觀如謂子樹仁係本案應行質訊之人其中似多疑竇既據該廳呈提自應准如所請已飭大理府將該犯點交該廳來差解回應再核案審慎辦理庶無枉縱至該子樹仁審係子承之侄前隨黎元和來榆與匪同行罪有應得茲據該犯自願繳銀貳百元罰贖業經照准此案如果訊非主謀應准取具正紳保結出外候案以免淹禁希卽再嚴提子承勒交其子子樹德并加差諭團緝獲子榮等十一人提同現犯訊取確供分別呈辦均毋玩延切切摘由

批

省城軍都督府鈞鑒查前騰越廳差役徐福昌平日搯詐鄉民無惡不作藩源到騰當

據城鄉紳民控告該役勒索舊案至十三起之多茲已緝獲正法以昭儆戒而快人心
合肅電陳飭部備案藩根源叩刪印

省城軍都督府鈞鑒騰衝惡差趙洪平日遇案磕索控案纍纍土匪番鍾錦陳長有素
行不法私結黨會源在騰時卽飭黃守密拿正法該犯等聞風逃匿頃接黃守東電稟
稱前奉鈞諭飭拿獲立予正法之惡差趙洪一名土匪番鍾錦陳長有二名現均拿獲
已於本日一併正法理合電陳乞賜查核電部備案等語乞飭部備案師長根源叩東
印

令飭遵辦事查有原日廳署之劣書王啟中蠹役夏廷輔李鳳堂等三名嚇詐貪婪無
惡不作前此本總司令官因公回騰調查該胥役等劣跡昭著曾囑前廳溫丞拿案監
禁後復夤緣得脫逍遙法外應卽嚴密拏案稟候核辦該書役等所有家物田產及放
出各債一律查抄封禁變價充作自治公所公費開單呈報查考合行密飭爲此仰該
府卽便遵照督同警察長嚴密辦理勿任漏網切切此令騰衝府

省城軍都督府鈞鑒前此騰軍起事土匪乘機搶劫藩源到騰密查搶劫道署者實沈國祥爲首當卽設法躡拿本日就獲訊供不諱除飭就地正法以昭炯戒外乞賜查核飭部備案藩根源謹叩元印

爲札飭遵照事照得該司族目刀守上乘反正之際內結夥夷燒搶石婆坡隘東山西山等寨七十餘家並殺斃該隘撫夷劉太鑫家六命財物牲畜擄掠一空疊據各寨人民紛紛呈控前來正飭查辦間准新授騰越鎮張將該族目刀守上解送行轅並呈送該土司與張鎮台往來函件各一紙查該土司原函稱令刀守上繳義務銀三千兩以資軍費張鎮台復函飭將刀守上并捐贖銀兩一併交委員護解來騰各等語除將刀守上發交騰衝府管押外所有該土司代該族目刀守上認繳之軍費銀三千兩查尙未解合行札飭札到該土司卽便遵照三日內如數將認繳銀兩解送本總司令部行轅核收以憑轉發不得遲延短少致干重究凜之切切特札札南甸土司刀定國准此爲命令事案查南甸土司刀守上前經石婆婆隘夷民等迭次呈控該土司種種不法

當經提獲管押在案本應將置之重典姑念已將該犯家產查抄充公從寬貸其一死
定以永遠監禁該犯家產一俟楊紳查報前來應卽變價劃分三成以一成撥歸該

自治公所經費 一成卹賞石婆婆隘受害夷民除

行知自治公所外合亟命令爲此仰該府騰街府即便遵照辦理切切此令右命令騰街府知府

令訪聞永盛鄉之趙鳳梧及南山哨之胡祥二人平日不安本分專以唆訟歛錢爲事

永郡人民受害者不知凡幾亟應嚴拏懲辦以挽頽風合亟命令爲此仰該府即便遵

照迅飭警團嚴密查拿務獲懲辦毋稍縱延切切此令永昌府

省城軍都督府鈞鑒昨據由守拿獲著名會匪綽號半架牛楊悅清即楊果元一名解

送來轅訊據該犯供認於去歲反正後糾約匪黨袁挖起張喜培楊朝顏等四百餘人

在河上村私立雲壽公山堂斂派得錢叁百餘千文并私置軍械各等情不諱飭卽正

法以昭炯戒在逃逸匪仍飭嚴緝務獲究辦脅從入會者勒令一律解散謹陳祈飭部

備案師長根源叩有印

省城軍政部鑒東電敬悉永北土犯高長佑前串通黎元和希圖復奪土職當經在榆拿獲發交大理府監禁於懲辦黎元和電內具報在案嗣該犯自願繳銀四百元贖罪源以邦家新造恩周土族將欲准予所請特見其人甚詭譎未便輕縱密飭現任廳承就近澈查旋據永北廳田丞亮勦駐永管帶尹明玉合詞稟稱該犯高長佑卽高振業於反正後私刻土官印信糾聚土匪千餘盤踞滋事妄稱獨立復帶人麇集自治局附同黎元和逼繳廳印及土司舊印又通諭永北華坪各土夷脅索銀兩驚擾地方并歷指其積惡不法之案一一可稽隨又據現任廳舒丞呈該犯實爲黎匪助惡之魁其兇狡尤在黎匪之上擬請由榆懲辦各等情查該犯高長佑卽高振業以巨姦積惡乘機串同黎匪糾黨擄害藐法橫行前在大理府訊供胆敢恃無質證遁飾狡避茲既確切查明種種不法自應在榆立予正法以伸顯戮而快人心併卽傳首永北廳出示曉諭俾昭炯戒除分別批飭外合將覆查辦理情形電祈查核備案根源叩庚印

省城軍都督府鈞鑒據騰越李鎮黃守全電稱干崖土目刀管準窮兇極惡前劉管奉

令密拿立予正法近來騰商張自春被殺營兵李有才被戕均係該犯所爲疊據交涉
彈壓委員劉管帶等紛紛呈報均由泳謙分別飭令會同密拿獲日遵照鈞令就地正
法嗣劉管百般設法邀同土司隻身親往該寨該犯坦然出迎劉管伏於道側連發手
槍斃之援者既往梟首解騰驗明屬實該犯之罪迥異尋常已飭解回弄璋示衆三日
以快人心合電請查核轉電備案等語查刀管準乃刀安仁之飛廉惡來素行種種不
法此次反正該犯率黨焚搶蠻允弄璋等處幾啓邊患源前在騰屢派員弁密拿未獲
茲劉管品三不避危險親身前往設計將該犯槍斃辦事得力殊堪嘉尙除電飭將該
管記大功二次并賞銀二十兩以示鼓勵外謹陳乞飭部備案根源叩冬印
騰衝李鎮台黃太守馨黃守豔電悉孫家興一名除供認各案外並查有反正時私雕
印信自稱民政使裹結匪黨搃詐民財等事尤屬凶惡之尤前在騰迭經派員訪拿未
獲茲既獲案訊實應卽立予就地正法出示宣布以彰炯戒錄案通報查考在逃餘黨
仍從嚴緝拿務獲訊辦無任漏網爲要總司令部豔印

案查大姚縣周紹禮等當反正之初藉辦團之名輒以該縣朱令侵蝕公款要求算賬爲由聚衆帶槍入城看管朱令家眷並自行設立行政籌邊處欲奪錢糧殺朱令以致人民驚擾縣紳紛紛辭職種種擾亂治安經軍政部電飭由楚雄府委員會同嚴令會審分別酌定監禁在案茲據該縣紳學各界迭次來轅投呈代爲邀求情詞至爲懇切惟查反正之初大勢紛攘各屬地方首以恢復秩序保衛治安爲第一要義其有擾亂秩序妨害治安者無論何項人等皆分別輕重立予懲辦以經地方之安寧進大局於穩固卽周紹禮等一案既一面飭府派員訊辦復一面由本總司令迭催新委嚴令從速赴任皆以維持治安爲急無所容心於其間茲既迭據諸紳學界合詞籲懇前來該周紹禮等身爲學生徒以年少囂張幾至破壞秩序而不悟雖自蹈於法網亦深憫其狂愚如果能痛自澗悔力改前非亦未嘗不可昭寬大之仁而開自新之路爲此令仰該府黃守卽便督飭大姚縣嚴令會同自治各局所員紳以及閣縣紳耆公同確查如果周紹禮等深知已過痛自改悔閣縣全體員紳又能保其保釋出外永遠不致滋事

犯法其有志向學者仍入學堂肄業抑或經營別業均能安分守己勉爲良善使社會上增一遷善之人即團扉中省一久繫之累揆諸立法本意又何樂於深求自可准予由縣取具各切實悔結保結核明轉呈前來以憑核奪事期覈實辦理不准稍涉含糊干咎切切此令署楚雄府知府黃彝

省城軍都督府鈞鑒頃據各屬呈稱奉民政司轉行袁大總統令凡罪犯在民國元年三月初十日以前除真正人命及強盜外一律赦除等因查去秋反正後所有慣賊棍徒本在監禁者自蒙赦釋後即尋仇擾亂貽害地方卽如已辦之張阿貢馬洪發楊光廷朱玉和等比比皆是其先赦復犯拏回監禁者尤實繁有徒茲復援免重令省釋則其怙惡藐法妨害治安尤無紀極現在秩序初復奸宄未清似不能不從緩遵辦擬請查照江蘇莊前都督辦法俟地方安謐匪徒斂戢後再將此赦令執行如蒙俞允卽請飭部通電各府廳州縣祇遵此爲維持安寧起見是否有當伏候訓示師長根源叩

案奉軍都督府電飭將正法人犯勒石示戒等因奉此查本總司令奉命西巡時方搶攘兵難未解秩序未寧伏莽叢興亂機四起土豪肆仇殺之舉軍隊爲厲民之階欲奠地方於苞桑出斯民於水火固非蕭勺群慝無以澄清亂源其自師行以來所有縱兵殃民與勾煽謀亂之官長姦淫焚搶及拜會詐贓之兵丁既經首正刑誅以肅軍紀而擅權仇殺之紳團開山設堂之會匪聚衆滋事之散勇屢次搶劫之慣盜以及蠹丁蠹役之倚勢勒索奸夫奸婦之滅紀亂倫均於審訊明確立正典刑以靖地方而端風化本總司令爲保艾之求念民命之重誠不敢多所殺戮乖惻怛之仁尤不敢優游養奸行姑息之政不遏寇虐而縱詭隨是不忍於一人而忍千萬人沉冤飲痛無所訴也去殺雖謝上仁止辟猶懷古義若夫生聚之方教養之具爲治之本止亂之原願與百爾君子共勉焉爰泐姓名以垂明戒

縱兵殃民之官長張祠樑（管帶）張文煥（統領）馬洪發（管帶）白芝璞（幫帶）王太潛（陸軍第七聯第一大隊長）唐明臣（幫帶）

燒殺搶劫之官兵紳警土匪棍徒劉光輝（永昌匪首）黃鑑鋒（統領）劉漢臣（光輝之弟）劉元善（永昌自治局議員）林永春（永昌巡目）林興何寬（永昌巡警）余亮臣（國民軍哨官）王得勝（陸軍小隊長）管鳳雲（陸軍正目）趙玉來（陸軍正目）高致祥（陸軍正兵）將金順李全榮陳海清袁建勳段小常陳廷元張樹善張和張以廉王鳳邦楊倉楊建祖崔雲安崔雲祥黃景光蕭子清楊國興袁興和劉敬忠劉漢臣白海清余海清彭國富韓雲軒傅漢清陳子安李朝貴金道立方迎祺張海清羅海亭唐福生徐騰龍馬彪楊吉臣王玉龍李占高劉開春李得勝張祥張阿紅張二周發林年春發辛眉三周正洪鄧元興梁春林占魁夏永清李蘭友李木生楊有德張順有傅生張自清馬鴻法楊濟和楊林楊自茂范金山哈雲標楊子安釗金壽蠻萬蒼陶玉來田園（國民軍目兵）崔應祥（散勇）楊朝珠余連朝張嘉文（以上八十二名係永昌獲辦）何二董小九石才富何興張六段成順李紫清徐從明曹老趙洪陳常有番鎮景張金耀（以上十三名係騰越獲辦）賴有爲（龍陵）何煦清（國民軍哨官）王春廣余海亭

張汝卿（以上四名係永平獲辦）謝才發吳老福和阿和（以上三名係劍川獲辦）劉占廷（太和）唐登雲劉海清舒廷用陳有萬朱洪興王應才茶秀林王阿合帥小六（以上九名係漾濞獲辦）屈煥章韓明亮楊煥董二陶發元羅萌字玉林（以上七名係雲州獲辦）羅發元楊功名陳四楊存富郭賢儒李大生羅三李光祿張龍黃恩科饒四趙金斗郭學儒王二郭成儒王廷湖王廷弼黃三張小佐郭四白李小明張有泰張小保（以上二十三名係順甯獲辦）

乘亂搶擄上官之官兵司事何春芳（永昌府衛隊長）段天福（永昌府衛隊教練）楊正富李兆揚施兆揚徐茂先何永清楊立功施正洪楊永華（以上八名係永昌府衛隊正兵）林必蔚（管帶）王國榮（管帶）陸福春朱家修（以上二名係國民軍正兵沈國祥（騰越電局司事）

勾結煽惑圖謀叛亂之官兵楊炳焜（陸軍小隊長）班龍珠（陸軍機關槍隊正目）張錫光（麗江第五營哨官）陳香亭（陸軍小隊長）張祺（陸軍小隊長）

逞遼謀亂之散勇劉漢興黃登太趙玉才楊海清余盛昌（以上五名係國民軍目兵）
擅權仇殺擾害地方之劣紳黎元和（永北自治機關部紳首）饒爾康（永北自治機
關部書記官）杜育（永昌團紳前清都司）徐之琬（蒙化生員）徐之瑛（蒙化貢生）
馬安福（永平紳首）高長佑（前清土司黎元和黨羽）

私吞公款拐帶軍裝之官犯沈承綱（前清補用府經歷騰越警察長）

叛亂戕官之土司土匪刀上達（已革鎮康土司）劉國興魯國中羅春華（以上三名係
刀上達黨羽）

私雕印信冒充官長勒索民財之犯孫家興（騰越）

開山設堂及屢犯搶案之會匪朱遇和楊遇榮（以上二名係太和）劉世瑛（係騰越古
永）吳小八王明一宴國賓（以上二名係順甯）張生熊老蘇兆連（清遊擊）蘇承基李
老四（以上五名係蒙化）楊作林沈老三高岐山（以上三名係鄧川）楊兆發周鳳鰲
萬大年周鳳清楊二蠻（以上五名係永昌）

逞兇殺人之犯謝三三（彌渡）刀管準（干崖土目）

慣盜陳兆元唐小順姜有林（以上三名係鎮南州）廖玉庵（野匪）陶大有（以上二名係騰越）趙一華李有富（以上二名係順甯）萬老七（永平）彭紹曾（雲南縣）楊悅清（又名半架牛）劉老（以上二名係永昌獲辦）楊廷芳謝成名陳小貴景小祥陳友德字阿四熊羅喜段培照（以上八名係蒙化獲辦）袁四七李揚潰楊現隴陳忠（以上四名係趙州獲辦）李興照饒興發袁中其（以上三名係祿豐獲辦）周金山（鶴慶）

窩留叛匪之娼婦店主劉楊氏劉大招牌袁馬氏羅簡氏（以上四女犯均係永昌）謝春和（騰越）

姦淫逆倫之犯尙德才尙小煥（以上二人係騰越）

蠹役斯榮（廣通縣門丁）徐清徐福昌（以上二名係騰越廳差役）蔣明（大理府差役）葉順（劍川州差役）

以上正法人員共式百肆拾捌名各犯所犯罪狀前經先後通示宣布周知